




周書



紀第六

周書六

令狐

德榮

等撰

武帝下

建德四年春正月戊辰以柱國抱罕公辛威為
 寧州總管六原公王康為襄州總管初置管
 軍器監主申詔曰今陽和布氣品物資始敬授
 民時義兼敦勸詩不云乎帝躬弗親庶民弗信
 刺史守令宜親勸農百司分番躬自塗道事非
 緩要並停至秋課寡孤獨不能自存者所在量

卷十

周書紀六

卷十

加賑郵通租懸調兵後殘功並宜蠲免癸酉行
幸同州二月景成朔日有蝕之辛卯改置宿衛官
負己酉柱國廣德公李意有罪免三月景辰遣
小司寇淮南公元衛納言伊婁讓使於齊郡縣
各省主簿一人景寅至自同州甲戌以柱國趙王
招為雍州牧夏四月甲午柱國燕國公于寔有
罪免丁酉初令上書者並為表於皇太子以下
稱啓六月詔東南道四摠管內自去年以來新
附之口給復三年秋七日景辰行幸雲陽宮己

周子齊公
衛也周彼善
于此齊累世
荒淫故應伐
之

未禁盜竄大布錢不得出入關布泉錢聽入而
不聽出丁卯至自雲陽宮甲戌陳遣使來聘景子
召太后所幸以上於大德殿帝曰太祖神武膺運創
造王基兵威所臨有征無戰唯彼偽齊猶懷跋
扈雖復戎車屢駕而大勳未集朕以言分昧纂
承鴻緒往以政出權宰無所措懷自親覽萬
機便圖東討惡衣菲食繕甲治兵數年已來戰
備稍足而偽主昏虐恣行無道伐暴除亂斯實
其時今欲數道出兵水陸兼進北拒太行之路

東扼黎陽之險若攻拔河陰充豫則馳轍可定
然後養銳直士以待其至但得一戰則破之必矣
王公以為何如群臣咸稱善丁丑詔曰高氏因時
放命據有汾漳擅假名器歷年永久朕以亭毒
為心遵養時晦遂敢聘好務息黎元而彼懷
惡不悛尋事侵軼背言負信竊邑藏艾以往者
軍下宜陽釁由彼始兵興汾曲事非我先此獲
俘囚禮送相繼彼所拘執曾無一反加以刑妄
逞毒賦繫輿赤魚曾診珍饈之哀幽并啓來蘇

之望既禍盈惡稔衆叛親離不有一戎何以大定
今白藏辰辰涼風戒節厲兵詰暴時事惟宜朕
當親御六師龍興行天罰庶憑祖宗之靈潛資將
士之力風馳九有電掃八紘可分命衆軍指期進
發以柱國陳王純為前一軍總管黎陽公司馬消
難為前一軍總管鄭國公遠公震為前一軍總
管越王盛為後一軍總管周昌公侯莫陳瓊為後
一軍總管趙王招為後三軍總管齊王憲率衆
二萬趣黎陽隋國公楊堅一庶靈侯薛道舟師三

可稱義師

高自渭入河柱國梁國公侯莫陳芮率衆一萬守
六行道申國公左穆帥衆二萬守河陽道常山
公子翼帥衆二萬出陳汝三午上親率六軍衆
六萬直指河陰八月癸卯入平孟有墳禁伐樹踐苗
稼犯者以軍法從事丁未上親率諸軍攻河陰
大城拔之進攻子城未克上有疾九月辛酉夜
班師水軍焚舟而退齊王憲及二十翼李穆等所
在克捷降拔三十餘城皆棄而不守唯以王藥城
要塞只儀同三司韓正守之正以城降齊戊寅

至自東伐已卯以華州刺史辛干賢為荊州摠
管冬十月戊子初置上柱國大將軍官改開府
儀同三司為開府儀同大將軍儀同三司為儀
同大將軍又置上開府上儀同官甲午行幸同州
閏月齊將尉相貴具寇大寧延州摠管王慶擊走
之以柱國齊王憲蜀國公尉遲迥為上柱國柱國
代王達為益州摠管大司空秦陽公司馬消難為
梁州摠管詔諸畿畝郡各舉賢良十一月己亥改置
司內官貞十二月辛亥朔旦有蝕之度午至自同州

景字陳遣使來聘是歲以寧二州民飢開倉賑給
五年春正月癸未行幸同州辛卯行幸河東涑川
集關中河東諸軍校獵中二還同州丁酉詔曰
朕克已思治而風化未弘永言前古載懷夕惕
可分遣大使周省四方察不以聽謠問民郵隱其
獄犴無章侵漁勦庶隨事究驗條錄以聞若
政績有施治綱克舉并宣圭華道著立園並
須檢審依名騰奏其醫皆芬孤獨寔可哀矜亦宜
賑給務使周贍廢布泉錢或中初令鑄錢者絞

其從者遠配為民二月辛酉遣皇太子贊巡撫西
土仍討吐谷渾戎事節度並宜隨機專決三月
庚子月犯東井第一星壬寅至自同州文宣皇后
服再暮戊申祥夏四月乙卯行幸同州開府清河
公守文神舉攻拔齊陸渾等五城五月壬辰至自
同州六月戊申朔日有蝕之辛亥祠太廟景辰利
劾管紀王康有罪賜死丁巳行幸雲陽宮月
癸亥後星凌午熒惑入輿鬼秋七月乙未京師旱
八月戊申皇太子伐吐谷渾至伏侯城而還乙卯

至自雲陽宮乙丑陳遣使來聘九月丁丑大黜
於正式殿以祈東伐冬十月帝謂群臣曰朕去歲
屬有疹疾遂不得克乎通寇前入賊境備見敵
情觀彼行師殆同兒戲又聞其朝政昏亂政由
群小百姓嗷然朝不謀夕天與不取恐貽後悔若
復同往年出軍河外直為撫背未扼其喉然晉
州本高歡所起之地鎮攝要重今往攻之彼必
來援吾嚴軍以待擊之必克然後乘破竹之勢
發行而東足以窮其窟穴混同文軌諸將多不

是

願行帝曰幾者事之微不可失矣若有沮吾
者朕當以軍法裁之己酉帝摠戎東伐以越王
盛為右二軍摠管杞國公亮為右三軍摠管隋國公
楊堅為右二軍摠管譙王儉為左一軍摠管大將
軍竇泰為左二軍摠管廣化公丘崇為左三軍摠
管齊王憲陳王純為前軍庚戌熒惑犯太微上將
戊午歲星犯太陵癸亥帝至晉州遣齊王憲率精騎
二萬守崔鼠谷陳王純步騎二萬守千里徑鄭國公
達奚震步騎一萬守統軍川太行軍韓明步騎五千

守齊子嶺焉氏公尹昇步騎五千守鼓鍾鎮涼城公宰
韶步騎五千守蒲津關柱國趙一工招步騎一萬自華
谷攻齊汾州諸城柱國宇文盛步騎一萬守汾水關
遣內史王誼監六軍攻晉州城帝屯於汾曲齊王
憲攻洪洞永安二城並拔之是夜虹見於晉州城
上首向南尾入紫微宮長十餘丈帝每日自汾曲
赴城下親督戰城中惶窘庚午齊行臺左丞侯
子欽出降壬申齊晉州刺史崔景嵩守城北面夜
密遣使送款上開府王軌率衆不應之未明登城鼓

噪齊衆潰遂克晉州擒其城主特進開府海昌
王尉相貴俘甲士八千人送關中甲戌以上開
府梁士彥爲晉州刺史加授大將軍留精兵一萬以
鎮之又遣諸軍徇齊諸城鎮並相次降款十一月己
卯齊主自并州率衆來援帝以其兵新集且避
之乃詔諸軍班師遣齊王憲爲後拒是日齊主
至晉州憲不與戰引軍度汾齊主遂圍晉州晝
夜攻之齊王憲屯諸軍於涑水爲晉州聲援河
東地震癸巳至自東伐獻俘於太廟甲午詔曰

偽齊違信背約惡稔禍盈是以親臨六師問罪
汾晉兵威所及莫不摧殄賊衆危懼鳥栖自固
暨元戎反旆方來聚結遊魂境首尚敢赳赳朕
今更率諸軍應機除剪景申放齊諸城鎮降人
還丁酉帝發京師壬寅度河與諸軍合十二月戊
申次於晉州初齊攻晉州恐王師卒至於城南
穿塹自喬山屬於汾水庚戌帝帥諸軍八萬人置
陣東西二十餘里帝乘常御馬從數人巡陣處所
至輒呼主帥姓名以慰勉之將士感見知之恩

各思自厲將戰以有司請換馬帝曰朕獨乘良馬
所之齊主亦於塹北列陣申後齊人填塹南
引帝大喜勅諸軍擊之齊人便退齊主與其麾
下數十騎走還并州齊衆大潰軍資甲仗數百
里間委棄山積辛亥帝幸晉州仍率諸軍追齊
主諸將固請還師帝曰縱敵患生卿等若疑朕
將獨往諸將不敢言甲寅齊王遣其丞相高阿
那肱守高壁帝麾軍直進那肱望風退散景辰
師次介休齊將韓建舉城降以爲上柱國封郇

國公丁巳大軍平次并州齊主留其從兄安德王
延宗守并州白將輕騎走鄴是日詔曰

以下缺

人寄袞履之重棟梁骨鯁翦為仇讎狐趙續
降城早隸民不見德唯虐是聞朕懷茲漏網置
之度外正欲各靜封疆止紆民瘼故也爾之宰相
曾不具思欲構厲階反詎其梗我之率土咸永傳
刃惟嗟獻兼弱之謀不耳奮干戈之勇高颺摧坐
甲若赴私讎是以一鼓而空晉州再舉而摧逼醜
偽丞相高阿那瓌驅逼餘燼竊據高壁偽定
南王韓建業作守介休規相抗擬聊示兵威應
時出朔濱那瓌則羣馬消逼建業則面縛軍和爾

之進亦上所知見也若其懷遠以德則爾難以德
綏處隣以義則爾難以義服且天與不取道家
所忌攻昧侮二兵之上術朕今親馭羣雄長驅
宇內六軍舒旆萬隊啓行勢與雷電爭威氣
逐風雲齊舉王師所次一達近郊望歲之民室
家相慶來蘇之后思副厥誠僞主若妙盡人謀
深達天命牽羊道左銜壁一轅門當惠以焚觀之
恩待以列侯之禮僞將相三公已下衣冠士民之
族如有深識事宜建功立勳官榮爵賞各有

加降若下思不務守迷草改則委之執事
刑書曰嗟爾庶士胡寧自棄或我之將卒逃彼
朝無問貴賤皆自從蕩滌善惡多福無貽後悔
一國書其心至感朕聞知自皇天齊之將帥降者相繼
封其特進開府賀拔岳恩為郃國公其餘官爵
各有差戊午高祖宗儀即僞位改年德昌己未
軍次并州庚申高祖宗儀率六萬出城抗拒帝率
諸軍合戰齊人遠帝乘勝逐北率千餘騎入東
門諸軍軍威震置陣進逐高祖率其眾排陣而

前城中軍却人相逐踐人為延宗所敗死傷略
盡齊人欲閉門以閉下齊魯二年不得闔帝從數
騎崎嶇危險僅得出門至明堂諸軍更戰大破
之擒延宗并州軍士及詔曰昔天厭水運龍戰示
野兩京北隔四紀于茲朕等拱巖廊君臨宇縣
相邪民於海內混楚弓於天下一物失所有若推
溝方欲德綏未照義征不諛偽主高緯放命燕
齊台慢典刑俶擾天加加以背惠怒隣棄信
義朕應天從物伐罪弔民鼓而蕩平陽再

舉而推勅敵為署王公相繼道左高緯智窮
屢逃竄草間偽安德王高延宗擾攘之間遂竊
名號與偽齊昌王莫多遜敬顯等收合餘燼背
叛抗敵王威既振魚潰自離破竹更難建瓴非
易延宗眾散解甲軍門根本既傾枝葉自落幽
青海岱折簡而來冀北河南傳檄可定八紘共
置六合同風方嘗偃伯靈臺休牛養馬無疆之
慶非獨在余漢皇約法除其苛政姬王變典刑
彼新邦思重惠澤被之率土新舊言歸後湯

燕可大赦天下高緯及王公以下若無罪者皆順成
許自新諸王入爲朝亦從其意宮中樂器悉依例
無失其齊爲制令即宣削除鄒魯舊禮諸國宗廟
土介可禱普置銓錄百年去殺讎或擊希其集
有成庶幾可勉景寅出齊宮中金銀寶器悉奉
麗服及宮女三千人班賜將士以柱國趙主招陳王
純越王盛祀國公亮梁國公侯莫陳芮廣國公王
謙北平公寇紹鄭國公達吳震並爲上柱國封
齊王意子安祿郡公管爲河間王大將軍老泉化公

丘崇爲潞國公神水公姬願爲原國公廣業公尉
遲運爲盧國公諸有功者封授各有差矣西帝
率六軍趣鄴以上柱國陳王純爲并州總管
六年春正月乙亥齊主傳位於其太子恒改年承
光自號爲太上皇壬辰帝至鄴齊主先於城外掘
塹豎柵癸巳帝率諸軍圍之齊人拒守諸軍奮擊
大破之遂平鄴齊主先送其母并妻妾於青州及
城陷乃率數十騎走青州遣大將軍尉遲勤率二
千騎追之是戰也於陣獲其齊白曰王貴人多矣敬

顯帝責之曰汝有死罪者三前從定在鄴將妻棄
母是不孝外為僞主勳力內實通廢於朕是不忠
送款之後猶持兩端是不信如此用懷不死何待遂
斬之是日西方有聲如雷者一甲午帝入鄴城齊任
城王浚先在冀州齊主至河遣其侍中斛律孝卿
送傳國璽禪位於浚孝卿未達被執送鄴詔去
年大赦班宣未及之處皆從赦例封齊開府洛州
刺史獨孤永業為應國公景申以上柱國越王盛為
相州總管己亥詔曰自晉州大陣至于平鄴身殞戰

入殷之仁

場者其子即授父本官尉遲勤擒齊主及其太子
恒於青州庚子詔曰僞齊之末姦佞擅權濫罰
淫刑動挂羅網偽右丞相咸陽王斛律明月偽
侍中特進開府故崔季舒等七人或功高獲罪或
直言見誅朕兵以義動前刃除凶暴表問封墓事
切下車宜追贈謚并空之其見存子孫各隨蔭
敘錄家口田宅沒官者並無逃之辛丑詔曰僞齊叛
渙竊有漳濱世縱淫風事窮彫飾或穿池運石
為山學海或層臺累構築日陵雲以暴亂之心

極奢侈之事有一於此亦以弗亡朕菲食薄衣以
弘風教追念生民之勞尚恕力役之勞方當易茲
弊俗率歸節儉其山南園及三臺可並毀撤
瓦木諸物凡用者盡賜下民山園之田各還本土
二月景午論定諸軍功勳置酒於齊太極殿會
軍士以上班賜有差丁未齊主至帝降自阼階以
賓主之禮相見高潛在北冀州擁兵未下遣上柱
國齊王憲與柱國隋公樛欽率軍討平之齊定州
刺史范陽王高紹義叛入突厥齊諸行臺州鎮

悉降關東平人合州五十二郡一百六十二縣三百八
十五戶三百三十萬二千五百二十八口二千萬六千
八百八十六乃於河陽幽書南兗豫徐北朔定並置
總管府相并二總管各置直官及六府官癸丑詔
曰無侮然我獨事顯前書哀彼矜人惠流往訓偽
齊末政昏虐宜是繁災甚滔天毒流比屋無罪無
辜係虜三軍之手不飲不食僵仆九達之門朕
為民父母職養黎人念甚泣辜誠深罪己除其
苛政事屬改張宜加寬宥兼行振卹自偽武平

得意哉恐

三年以來河南諸州之民偽齊破掠為奴婢者不問官私並宜放免其住在淮南者亦即聽還願在淮北者可隨便安置其有瘡殘孤老饑饉絕食不能自存者仰刺史守令及親民長司躬自檢校無親屬者所在給其衣食務使存濟乙卯帝自鄴還京景辰以柱國隋公楊堅為定州總管三月壬午詔山東諸州各舉明經幹治者一人若奇才異術卓爾不群者不拘多少夏四月乙巳至自東伐齊王於前其三公等並從車舉旗幟

為他人驅除
無十年受用
也

及哭歸以次陳於其後大駕布六軍備凱樂獻俘於太廟京邑觀者皆稱萬歲以律封齊王為溫國公庚戌大會羣臣及諸蕃宴於露寢乙卯廢蒲陝涇寧四州總管己巳祠太廟晉東夏既平王道初被齊氏弊政餘風未殄朕劬勞萬幾念存康濟恐清淨之志未形四海下民疾苦不能上達寢興軫慮用切於懷宜遣使人四方撫慰觀風省俗宣揚治道有司明立條科務在益公五月丁丑以柱國護國公侯為大冢葬庚辰以上柱國祀國公

亮為大司徒鄭國公遂受禮為大宗伯漢國公侯
莫陳芮為大司馬楚國應國公獨孤永業為大冢
寇鄭國公章孝實為司空辛巳大醜於正武殿
以報功也己丑祠方丘詔曰朕欽承丕緒寢興憂長
惡衣菲食貴昭儉約上棟下宇土階茅屋猶恐居
之者逸作之者勞詎可唐虞高堂肆其奢欲往
者冢臣專任制度有違正殿別寢事窮壯麗非
直雕墻峻宇深戒刑去而締構弘敞有踰清廟不
軌不物何以示後兼東夏初平民未見德乎先海

已成者何
必撤然功歲
不驕字文氏
心廢幾賢
王哉

丙寅自朕始其露寢會義崇信合仁雲和思齊諸
殿等農隙之時悉可毀撤雕斲之物並賜貧民繕
造之宜務從卑朴癸巳行幸雲陽宮戊戌詔曰京
師宮殿已從撤毀矣鄴二所華侈過度誠復作之
非我豈容因而弗董諸堂殿壯麗並宜除蕩蕩
宇雜物分賜窮民三農之隙別漸營繕止敵風
雨務在卑樸庚子陳遣使來聘是月青城門無
故自崩六月丁未至自雲南勿官辛亥御正武殿錄
囚徒癸亥於河州擊鳴防置旭州甘松防置芳州

廣川防置弘州甲子帝東巡丁卯詔曰同姓百世
婚姻不通蓋惟重別周禮然也而娶妻者買妻有
納母氏之族雖曰異宗猶爲混雜自今以後悉不
得娶母同姓以爲妻其已定未成者即令改聘秋
七月己卯封齊王憲第四子廣都公負爲莒國公
紹善莊公洛生後癸未應州獻芝草景成行幸
洛州己丑詔山東諸州舉有才者上縣六人中縣五
人下縣四人赴行在所共論治政得失成以上柱
國庸公王謙爲益州總督八月壬寅議定權衡度

量頒於天下其不依新式者悉追停詔曰以刑
止刑世輕世重罪不及嗣皆有定科雜役之徒獨
異常憲一從罪配百世不免罰旣無窮刑何以
措道有公革宜從寬典凡諸雜戶悉放爲民配
雜之科因之未削甲子鄭州獻九尾狐皮肉銷
盡骨體猶具帝曰瑞應之來必昭有德若使五
品時叙四海和平家識孝慈人知禮讓乃能致此
今無其時恐非實錄乃命焚之九月壬申以柱國
鄧國公竇熾申國公李穆並爲上柱國戊寅初令民

庶已上唯聽衣綢綿綢絲布圓綾紗絹綃葛布等九
種餘悉停斷朝祭之服不拘此例甲申絳州獻
白雀壬辰詔東土諸州儒生明一經已上並舉送州
郡以禮發遣癸卯封上大將軍上黃公王軌為郊
國公吐谷渾遣使獻方物冬十月戊申行幸鄴宮
戊午改葬德皇帝於冀州帝服總哭於太極殿
百官素服哭是月誅溫國公高緯十一月庚午百
濟遣使獻方物壬申封皇子充為道王允為蔡
王癸酉陳將吳明徹侵呂梁徐州總管梁士彥

出軍與戰不利退守徐州遣上大將軍剡國公
王軌率師討之是月稽胡反遣齊王憲率軍討
平之詔自永熙三年七月已來去年十月以前
東土之民被抄畝在化內為奴婢者及平江陵之後
良人沒為奴婢者並宜放免所在附籍一同民伍
若舊主人猶須共居聽留為部曲及客女詔曰
正位於中有聖三週典質文相革損益不同五帝
則四星之象三王制六宮之數劉曹已降等列彌
繁選擇遍於生民命秩方於庶職椒房丹地有

衆如雲本由嗜欲之情非關風化之義朕運當
澆季思復古始無容廣集子女屯聚宮掖弘贊
後庭事從約簡可置妃二人世婦三人御妻三人自茲
煇外悉宜減省己亥晦日有蝕之初行刑書要制
持杖群彊盜匹以上不持杖群彊盜五匹以上監臨
主掌自盜二十匹以上小盜及詐僞請官物三
十匹以上正長隱五及十丁以上隱地三頃以上者
至死刑書所不載者自依律科十二月戊午吐
谷渾遣使獻方物己未東壽陽土人反率

衆五千襲并州
刺史東平公宇文神舉破平
之庚申行幸并州
管移并州軍人四萬戶於關
中景寅以柱國滕王道為河陽總管丁卯以柱
國隋國公楊堅為河南府總管拜國申國公李
穆為并州總管戊辰廢并州官及六府是月北
營州刺史高祖瑋反

宣政元年春正月
突西吐谷渾偽趙王他婁毛
來降壬午行幸鄴
管分相州廣平郡置名州濟
河郡置貝州黎陽郡置黎州汲郡置衛州分定

州常山郡置相州分并州上黨郡置潞州李卯行
幸懷州癸巳幸洛州詔於懷州置營三月甲辰柱
國大冢幸譙王儉薨丁巳帝幸自東巡乙丑以
柱國越王盛為大冢宰陳王純為雍州牧三
月戊辰於蒲州置宮廢同州及長春二宮壬申
突厥遣使獻方物甲戌初服常冠以皂紗為之
加簪而不施纓道守其制者今之折角巾也夫
將軍郊國公王軌破虜師於昌黎擒其將吳明
徹等俘斬三萬餘人丁亥詔禁國故置盧寧征

天壽武陵南平等郡所有民庶為人奴婢者悉
赦江陵放免壬辰改元夏四月壬子初令遭父母
喪者聽終制庚申空厥入寇幽州殺略吏民議
將討之五月己丑帝始從戎北伐遣柱國原公姬願
東平公宇文神舉等率軍王道俱入發關中公
私驢馬悉從軍癸巳帝不豫止于雲陽宮言
詔傳諸軍事六月丁酉帝疾甚還京其夜崩
於乘輿時年二十六遺詔曰人肖形天地稟質
五常脩短之期莫在命也朕君臨宇縣十有九

下終力不
分如天
有具大

年未能使一日安寧刑措罔用所以昧日求衣
分宵不寢昔魏室將季海內分崩太祖扶危翼
傾璧開土業燕趙榛蕪久竊名号朕上述先志
下順民心遂與王公將帥共平東夏雖復妖氛嘉
定而民勞未康立一念此如臨冰谷將欲包舉六
合混同文軌今遘天大漸氣力稍微有志不申以
此歎息天下事重萬機不易王公以下爰及庶
僚宜輔導太子訓朕遺意令上不負太祖下無
失為臣朕雖嗚呼九泉無所復恨朕平生居處

子孫乃不
用命如天
元者其大
負武帝哉

每存菲薄非直以訓子孫亦乃本心所好喪事
資用須使儉而合禮昔奎而不墳自古通典隨吉即
葬葬訖公除四方主庶各三日哭妃嬪以下無子者
悉放還家謚曰武皇帝廟稱高祖己未葬於孝
陵帝沉毅有智謀初嘗晉公護專權常自晦迹人
莫測其深淺及誅護之後始親萬機剋已勵
精聽覽不怠用法嚴整多所罪殺號令懇惻唯
屬意於政群下畏服莫不肅然性既明察少於恩
惠允布懷立行皆欲踰越古人身衣布袍寢布被

無金寶之飾諸宮殿華綺者皆撤毀之改爲土階
數尺不施櫺栱其雕文刻鏤錦綉纂組一皆禁
斷後宮嬪御不過十餘人勞謙接下自強不息以
海內未康銳情教習至於校兵閱武步行山
谷履涉勤苦皆人所不堪平齊之後見軍士有
跣行者帝親脫靴以賜之每宴會將士必自執杯
勸酒或手付賜物至於征伐之虜躬在行陣性又
果決能斷大事故能得士卒死力以弱制強破
齊之後遂欲窮兵極武平突厥定吐南二年間

後天下統此其志也

史臣曰自東西杏隔二國爭疆戎馬生郊
日用兵連禍結方敵勢均疆場之事一彼一此高
祖續業未親萬機慮遠謀深以蒙養正及
威雷發朝政惟新內難既除外略方始乃若忘
思克己勵精勞役爲士卒之先居處同匹夫之
儉脩富民之政務彊兵之術乘饑人之有慶
六道而推之五年之間大勳斯集據祖宗之
慎拯東夏之阡危盛矣哉其有成功者也若使

太子巡西土因討吐谷渾宣政元年六月丁酉
高祖崩戊戌皇太子即皇帝位尊皇后為皇
太后癸丑歲星熒惑太白合於東井甲子誅上
柱國齊王憲封開府于智為齊國公閏月乙亥
詔山東流民新復業者及突厥侵掠家口破亡
不能存濟者並給復一年云妃揚氏為皇后辛
巳以上柱國趙王招為太師陳王純為太傅柱國
代王達滕王道盧國公尉遲運薛國公長孫覽
並為上柱國進封柱國平陽郡公王誼為揚國

公是月幽州人盧昌期據范陽反詔柱國東平
公宇文神舉率衆討平之秋七月辛丑月犯心
前星乙巳祠大廟景午祠圓丘戊申祠方丘庚戌以
小宗伯岐國公斛斯徵為大宗伯景辰熒惑太白
合於七星巳未太白犯軒轅大星壬戌以柱國
南兗州總管隋公楊堅為上柱國大司馬癸亥
尊所生李氏為帝太后八月景寅夕月於西
郊長安萬年二縣民居在京城者給復二年壬
申行幸同州遣大使巡察諸州詔制九條宣

州郡一曰決獄科罪。皆准律文。二曰母族絕服。外者聽婚。三曰以杖決罰。悉令依法。四曰郡縣當境賊盜不擒獲者。立仰。五曰孝子順孫義夫節婦。表其門閭。才堪任用者。即宜申薦。六曰或昔經驅使。名位未達。或沉淪蓬革。文武可施。宜並採訪。具以名奏。七曰偽齊七品以上。已勅收用。八品以下。爰及流外。若欲入仕。皆聽預選。降二等授官。八曰州舉高才博學者為秀才。郡舉經明行脩者為孝廉。上州上郡歲一

入下州下郡三歲一人。九曰年七十以上。依式授官。鰥寡困乏。不能自存者。並加稟恤。以人司徒。杞國公亮為安州摠管。上柱國薛國公長孫覽為大司徒。柱國楊國公王誼為大司空。庚辰。太白入太微。景戌。以柱國永昌公椿為大司寇。元月丁酉。癸戌。入太微。以柱國宇文盛。張掖公王傑。抱罕公辛威。鄭國公暉。孝寬。並為上柱國。庚戌。封皇弟元為荆王。詔諸應拜者。皆以三拜。成禮。汾州稽胡帥劉受。邏于舉兵反。詔上柱國

古行四拜或再拜三拜成禮非古也

越王盛為行軍元帥率眾討平之庚申熒惑犯
左執法冬十月癸酉至自同州以大司空楊國公
王誼為襄州總管戊子百濟遣使獻方物十二
月己亥講武於道會苑帝親探甲冑是月突厥
寇邊圍酒泉殺掠吏民十二月甲子以柱國畢
王賢為大司空癸未熒惑入互仍留經一月己
丑以上柱國河陽總管滕王道為行軍元帥率
眾伐陳免京師見徒眾從軍
次象元年春正月癸巳受朝於露明帝服通天

冠絳紗袍群臣皆服黃衣冠大赦改元大成
初置四輔官以上柱國天象宰越王盛為大前
疑相州總管蜀國公尉遲迥為大右弼申國公
李穆為大左輔大司馬隋國公楊堅為大後丞
癸卯封皇子衍為魯王甲辰東巡狩景午日有
背以柱國常山公于翼為大司徒辛亥以柱國
許國公宇文善為大宗伯癸丑日又背戊午行
幸洛陽立魯王衍為皇太子二月癸亥詔曰河
洛之地世稱朝市上則於天陰陽所會下紀於

地曠真路均聖人以萬物阜安乃建王國時經
五代世歷千祀規摹弘遠邑居壯麗自魏氏失
馭城闕為墟君子有戀舊之風小人深懷土之
思我太祖受命艷鎬胥宇嶠函蕩定四方有懷
先宅高祖神功聖略混一區宇往巡東夏省方
觀俗布政此宮遂移氣序照以眇身誠承寶祚
庶幾聿脩之志敢忘燕翼之心一昨駐蹕金墉備
嘗遊覽見自王制度基趾尚存今若因修為以易
立宜命邦事修復舊都本有儉取文質之間功役

侏子來走義北瞻河心咫尺非遙前謂經營今
宜停罷於是發山東諸州兵增一月功為四十五
日役起洛陽宮常役四萬人以迄于晏駕并移
相州六府於洛陽稱東京六府殺柱國徐州總
管郊國公王軌停南討諸軍以趙王招女為千金
公主嫁於突厥戊辰以上柱國鄭國公韋孝寬
為徐州總管乙亥行幸鄴景子初令授總管刺
史及行兵者加持節公以悉罷之辛巳詔曰有聖
大寶寔惟重器玄天垂少命人事與能幽顯同謀

確乎不易域中之大寧。懸定於杳冥天下爲公。蓋不避於內舉。我大周感蒼昊之精。受河洛之錫。武功文德光格區宇。創業垂統。末光無窮。朕以寡薄。祇承鴻緒。上賴先朝得一之迹。下藉羣后不貳之心。職貢與雲雨俱通。憲章共光華並亘。圓首方足。咸登仁壽。思隆國本。用弘天曆。皇太子衍地居上。嗣正統所歸。遠憑積德之休。允叶無疆之祚。帝王之量。未肅而成。天祿之期。不謀已至。朕今傳位於衍。乃睠四海。深合謳歌之

聖。俾予一人高蹈風塵之末。萬方兆庶知朕意焉。可大赦天下。改大成元二十一年爲大象元年。帝於是自稱天元皇帝。所居爲天臺。身二十有四。旌車服。旗鼓皆以二十四爲節。內史御正。比日置。上大夫。自皇帝衍稱。止陽宮。置納言。御正。諸衛等官。皆准天臺。置皇太后。元皇太后封內史上大夫。鄭譯爲沛國公。孫安自初出及將入時。其車並有烏色。六如雞卵。經四日滅。戊子。以上柱國。六前疑。越王盛爲上。侯。大右弼。蜀公尉遲迥。

為大前疑代王建為大右弼辛卯詔徙鄴城石
經於洛陽又詔曰洛陽在百都今既修復凡是元
遷之戶並聽還洛州此外諸民欲往者亦任其
意河陽幽相豫亮青但少七揔管受東京六府
處分三月壬寅以上柱國薛國公長孫覽為涇
州總管庚申至自東巡大陳軍伍帝親探甲冑
入自青門皇帝銜備上為駕從入百官迎於青門
外其時驟雨儀衛失容辛酉封趙王招第二子
貫為永康縣王夏四月壬戌朔有司奏言日食

不視事過時不乃即車立妃朱氏為天元帝

后癸亥以柱國畢士啟為上柱國己巳禱太廟
壬午大醮於正武殿戊子太白歲星彗星合於
東井五月辛亥以洛州襄國郡為趙國以齊州
濟南郡為陳國以曹州武當安富二郡為越國
以潞州上黨郡為代國以荊州新野郡為滕國
邑各一萬戶今趙王招陳王純越王盛代王達
滕王道並之國癸丑有流星大如斗出太微落
落如遺火是月遣使以結同視京兆及諸州士民之

武帝憂勤
乃有是子
後次行虐矣
受人離雖欲

又能身

道制敗度
莫此為甚

五胡劉氏
曾立四后
此堪為比

文充選後宮突厥寇并州六月丁卯有流星大
如雞子出氏西北流星一文入月中巳巳月犯
房北頭第二星乙酉言流星大如斗出營室流
入東壁是月咸陽有心火變為血發山東諸州
民修長城秋七月庚寅以大司馬畢士賢為雍
州牧大後承隋國公楊堅為大前疑柱國榮陽
公司馬消難為大後丞工辰熒惑掩房北頭第
一星景申納大後承司馬消難女為正陽宮皇后
后尊天元帝太后李氏為天皇后壬子改元

元帝后朱氏為天皇后立妃元氏為天右皇后
妃陳氏為天左皇后八月庚申行幸同州壬申
還宮甲戌以天左皇后父大將軍陳山提天右
皇后父開府元景成並為上柱國山提封鄠國公
景封襄國公開府楊雄為邳國公乙未宣靈戴國
公初高祖作刑書要文制用法嚴重及帝即位
以海內初平恐物情未附乃除之至是入醜於
正武殿言三人而行焉辛巳火惑犯南斗第五星
壬午以上柱國雍州牧畢士賢為大師上柱國鄠

師心胡做不值
一文

國公韓建業為大左輔是月所在有蟻羣開
各方四五尺死者什八九九月己酉太白入南斗
乙卯以鄴王貞為大冢王柱國鄭國公李孝
寬為行軍元帥率行軍撫管祀國公亮鄭國公
梁士彥以代陳遣御正杜景禮部薛舒使於陳
冬十月壬戌歲星犯軒轅大星是日帝幸道會
苑大醮以高祖武皇帝醮醮訖論議於行殿是
歲初復佛像及天尊像於是帝與二像俱南面
而坐大陳雜戲令京城士民縱觀乙酉歲惑鎮

不制不度

星合於虛是月相州人段德舉謀反伏誅十一
月乙未幸溫湯戊戌行幸同州壬寅還宮乙酉
有星大如斗出張東南流北明燭地丁巳初鑄
示通萬國錢以一當千與五行大布並行是月
章孝曾殺壽陽祀國公高拔整東城梁士彥拔
廣陵陳人退走於是江北至平十二月戊午以
災異置食帝御路寢見百一詔曰宮中不在上聰
明自下吉凶由人妖不自作朕以寡德君臨區
區萬大道不行小信非福始於秋季及此冬幽

顯殷勤屢貽深戒至有金入南斗木犯軒轅災
或千房又與土合流星照夜東南而下然則南
斗主於壽對祿軒轅為於後宮房曰明堂布政所
也火土則憂憂孽之兆流星乃兵凶之驗當其宮
人失序女語尚行政事乖方憂患將至何苦其窮
著若斯之甚上瞻俯察朕實懼焉將避正寢齋
居克念惡衣減膳去飾撤懸披不諱之誠開直
言之路彼使刑不濫及賞弗踰等選舉以才宮闈
脩德宣宣諸內外庶盡彌諷允叶民心用銷天譴

通似獼猴
何等修省

於是告仗衛往天興宮百官上表勸復寢膳
詩之甲子還宮御正式殿集百官及宮人內外
命婦大列妓樂又縱胡人乞寒用水澆沃為戲
樂乙丑行幸洛陽帝親御驛馬日行三百里四
皇后及文武侍衛數百人並乘駟以從仍令四
后方駕齋驅或有先後復加護衛人馬續亦相
屬也卯還宮

二年春正月丁亥帝受講于道會竟於巳初太
廟乙巳造二辰晝日月之象以置左右殿中雨

雪雪止又雨經黃土移時乃息乙卯詔江左諸
州新附民給復二十年初稅入市者入錢二月
丁巳帝幸露門學行禮奠之禮成乃突厥遣
使獻方物且送千金公主乙丑改制詔爲天制
詔勃爲天制壬午尊天元皇后爲天元上皇
太后天皇后李氏曰天元聖皇太后癸未立
天元皇后楊氏爲天元大皇后天皇后朱氏爲
天大皇后天右皇后元氏爲天右大皇后天左
皇后陳氏爲天左大皇后正陽宮白皇后直稱皇

后是月洛陽有禾秋鳥集於新營大極殿前
梁州有黑龍見與赤龍鬪於汴水之側黑龍死
三月丁亥賜百官及民大酺詔曰盛德之後是
稱不絕功施於民義昭祀典孔子德惟歲往道
實生知以大聖之才屬千古之運載弘儒業式
叙彝倫至如幽贊天人之理裁成禮樂之務故
以作範百王垂風萬葉朕欽承寶曆服膺教義
共育三才洙泗懷道滋深。褒成啓號雖彰故實旌
出丕聖績猶有闕如可追封爲新國公邑號雍

并立後承襲別於京師置廟以時祭享戊子
行軍總管杞國公亮奉兵反襲行軍元帥鄭國
公韋孝寬於豫州亮不勝孝寬獲而殺之辛卯
以永昌公椿為杞國公紹簡公寔後行幸同州
候正前驅戒道為三百六十重自應門至於
赤岸澤數十里間幡旗相蔽鼓樂俱作又令武
賁持鉞馬上稱警蹕以至於同州乙未改同州官
為天成宮庚子乙未同州詔天臺侍衛之官皆
著五色及紅紫綠不以雜色色名曰品色衣有

大事與公服間服之壬寅初內外命婦皆執笏
其拜宗廟及天臺皆依伏田丁辰初置天中大皇
后立天在大皇后陳氏為天中大皇后立妃尉
遲氏為天在大皇后身四月乙丑有星大如斗出
天厨流入紫宮抵鉤陳乃滅己巳祠太廟己卯
詔曰朕以寡薄昧於治方不能使天地休和陰
陽調序自春涉夏甘澤厚未豐既軫西郊之歎
將屬南畝之業興言夕惕無忘鑒察寡良由德
化未敷政刑多舛萬方有罪責在朕躬思置寬

一味歸詞欺
人欺天

荒淫之極
止于喪身
然身是則
社稷隨之

惠慈之至。土見囚死罪。並降注。以流罪。從徒五
歲。刑已下。悉皆原宥。有言八叛。惡逆。不遑及。常
赦所不免者。不在降例。壬午。幸中山。祈雨。至咸
陽宮。雨降。甲申。還宮。令京城士女於衢巷。作音
樂。以迎候。五月己丑。以上柱國大前疑。隋國公楊堅。
為揚州總管。甲午夜。帝備法駕。幸天興宮。乙未。
帝不豫。還宮。詔隋國公堅入侍。疾甲辰。有星大
如二斗。出太微。端門。流入翼。聲若風鼓。幡旗。丁
未。追趙陳越公。滕五王入朝。巳酉。大漸。御正下大

夫劉昉與內史上大夫鄭譯矯制以隨國公堅
受遺輔政。是日帝崩於天德殿。時年二十二。謚
曰宣皇帝。七月景申。葬定陵。帝之在東宮也。高
祖慮其不堪承嗣。遇之甚嚴。朝見進止。與諸臣
無異。雖隆寒盛暑。亦不得休息。性既嗜酒。高祖
遂無醜醜。不許至東宮。帝每有過。輒加捶扑。嘗
謂之曰。自來太子被廢者幾人。餘兒豈不堪立
耶。於是遣東宮官屬錄帝言語動作。每月奏
聞。帝懼高祖威嚴。矯情脩飾。以是過惡。遂不殊

聞稱位之初方逞其欲大行在殯曾無成容即
閱視先帝宮人逼為淫亂繼及踰年便恣聲樂
采擇天下子女以充後宮好自矜夸飾非拒諫
禪位之後彌復驕奢耽酗於後宮或旬日不出
公卿近臣請事者皆附奄官奏之所居宮殿帷
帳皆飾以金玉珠寶其光華炫耀極匪窮奢及
營洛陽宮雖未成畢其規摹壯麗踰於漢魏遠
矣唯自尊崇無所顧憚國典朝儀半情變改後
宮位號莫能詳錄每對臣下自稱皇天以五色

成字

祿庸瓊不
堪述載

土塗所御天德殿各隨方色又於後宮與皇后
等列坐用宗廟禮哭罇彝珪瓚之屬以飲食
焉又令群臣朝天臺者皆致齋三日清身一日
車旗章服倍於前王之數既自比上帝不欲令
人同已嘗自帶綬衣冠通天冠加金附蟬顧見
侍臣武弁上有金蟬及王公有綬者並令去之又
不聽人有高大之稱諸姓高者改為姜九族稱
高祖者為長祖曾祖為次長祖官名凡稱上及
大者改為長右天者亦改之又令天下車皆以渾

嘉靖八年補

卷之二

五

成木為輪禁天下婦人皆不得施粉黛之飾唯
官人得乘有輜車加粉黛焉西陽公溫祀國公
亮之子即帝之從祖兄子也其妻尉遲氏有容
色因入朝帝遂飲之以酒逼而淫之亮聞之懼
誅乃反纔誅溫即追尉遲氏入宮初為妃尋立為
皇后每召侍臣論議唯欲興造變革未嘗言
及治政其後遊苑無恒出入不飾羽儀仗衛晨
出夜還或幸天與宮或遊道會苑陪侍之官
皆不堪命散樂雜戲魚龍爛漫之伎常在目

前好令京城少年為婦人服飾又殿歌舞與後
宮觀之以為喜樂擯斥近臣多所猜忌又於
於財略無賜與恐羣臣規諫不得行已之志常
遣左右密伺察之動止所為莫不鈔錄小有乖
違輒加其罪自公卿已下皆被禁撻其間誅戮
黜免者不可勝言每嘗捶人皆以百二十為度
名曰大杖宮人內職亦如之有妃嬪御雖被寵嬖
亦多被杖背於是內外恐懼人不自安皆求苟
免莫有固志重足累息以遠於難

史臣曰高祖識嗣子之非子。顧宗祧之至重。帶
愛同於晉武。則哲異於宋宣。但欲處之以禎楚
期之於懲肅義。方之教。豈若是乎。立使昏虐
君臨。姦回肆毒。善無小而必弃。惡無大而弗為。
窮南山之簡。未足書其過。盡東觀之筆。不能記
其罪。然猶獲全首領。及子而立。幸哉。

紀第七

周書七

紀第八

周書八

靜帝

令狐

德柔 等撰

靜皇帝諱衍。後改為闡。宣帝長子也。母曰
朱皇后。建德二年六月生於東宮。仁象元年
正月癸卯。封魯王。壬戌午立為皇太子。二月辛
巳。宣帝於鄴宮傳位。授帝居正陽宮。二年
夏五月乙未。宣帝寢疾。詔帝入宿於露門
學。己酉。宣帝崩。帝入居天宮。廢正陽宮。大

故天下停洛陽宮作庚戌上天元上皇太后
尊号為大皇太后天元聖皇太后李氏為
太帝太后天元大皇后楊氏為皇太后天大
皇后朱氏為帝太后其天中大皇后陳氏天
若大皇后元氏天左大皇后尉遲氏並出俗
為尼柱國漢王瓚為上柱國右大丞相上柱
國楊州總管隋國公楊堅為假黃鉞左大丞
相柱國秦王執贄為上柱國帝居諒闇百官摠已
以聽於左大丞相士子以上柱國鄭國公韋

尉遲之反乃
在嗣位之初
不受帝尊
覓之代豈帝
有忠于故主
之恩乎

孝寬為相州總管罷入市稅錢六月戊午以柱
國許國公宇文善口神武公竇毅脩武公侯莫
陳瓊天安公閻蕙公並為上柱國趙王招陳王純
越王達代王盛滕王道來朝庚申復行佛道二
教舊沙門道士結誠自守者簡令入道辛酉以
柱國祀國公椿燕國公于寔郅國公賀拔伏恩
並為上柱國甲子相州總管尉遲迥舉兵不受
代詔發關中兵以孝寬為行軍元帥率軍
討之上柱國畢王賢以謀執政被誅以上柱國秦

常事不足
為變

王贄為大冢辛巳祀國公椿為大司徒己巳詔南
定北光衡巴四州民為宇文亮抑為其婢者立
免為民復其本業甲戌有赤氣起西粵漸東
行遍天庚辰罷諸魚池及山澤公禁者與百姓
共之以柱國蔣國公梁睿為益州惣管秋七月
甲申突厥送齊范陽王高紹義庚寅申州刺
史李慧起兵辛卯月掩氏東南星甲午月掩
南斗第六星庚子詔趙陳越代滕五王天朝不
趨劔履上殿榮山刺史邵國公宇文胄舉兵

楊堅尚為人
臣何得云誅
當日被殺

遣大將軍清河公楊素討之青州惣管尉遲
勤舉兵丁未隋公楊堅為都督內外諸軍事已
酉邛州惣管司馬洵難舉兵以柱國楊國公至
誼為行軍元帥率軍討之壬子歲星與太白合
於張有流星大如斗出五車東北流光明燭地
趙王拓跋王盛以謀執政被誅癸丑封皇弟術
為鄴王術為郢王是月豫州荊州襄州三惣管
內諸蠻各率種落焚燒林驛攻亂郡縣八月
庚申益州惣管王謙舉兵不受代即以梁睿為

行軍元帥率軍討之丁卯封上柱國抱四公
威為宿國公開府怡昂為鄯國公度午韋基
寬破扇邊迤於鄴城迥日殺相州平移相州
安陽其鄴城人邑居皆毀廢之分相州陽平
郡置毛州昌黎郡置魏州景平以漢王資為
太師上柱國并州總管申國公李穆為太傅宋
王實為大前疑秦王贄為大右弼燕國公于
寔為大左輔己卯詔曰朕祗承洪業二載於茲
藉祖考之休憑宰輔之力經天緯地四海晏如

逆賊尉遲迥十質凡庸志懷姦慝因緣戚屬
位冠朝倫及膺上天降禍先皇晏駕萬國深鼎
湖之痛四海窮逼密之悲獨幸天災欣然放命
稱兵擁血不便懷問鼎乃詔六師肅茲九伐而
凶徒孔熾克原蔽野諸將肆雷霆之威壯士縱
貔貅之力其文高然掃所在如若直指漳濱擒
斬元惡三醜盡以魏成集鼓下順高秋之氣就
上天之誅兩河妖孽一朝清蕩自朝及野善祥
相趨昔上皇之時不言為治聖人宰物有教

而已不戢于文實深惠德思弘寬簡之政用
副億兆之心可大赦天下其共迴元謀就迷不悟
及迴子姪逆人司馬消難王謙等不在赦例
庚辰司馬消難擁其衆以魯山颺山二鎮奔
陳遣大將軍宋安公元景山率衆追擊于停
斬五百餘人邛州平沙州氏帥開府楊永安聚
衆應王謙遣大將軍樂寧公達奚儒討之
楊素破宇文胄於榮州斬胄於石濟以上柱
國神武公實毅爲大司馬齊國公于智爲大

司空廢相青荆金晉梁六州總管九月甲申癸
惑與歲星合於翼景戌廢河陽總管爲鎮隸
洛川以宗伯竟陵公陽慧爲大宗伯壬辰廢
皇后司馬氏爲庶人甲午癸惑入太微戊戌
以柱國楊國公王誼爲上柱國辛丑分瀘州管
內新遂普合及瀘州管內瀘戎六州並隸信
州總管府已酉癸惑犯左執法庚戌以柱國
魯山公于翼化政公宇文忻並爲上柱國進封
置爲任國公忻爲英國公壬子丞相去左右之

以不真何報
以書保外史
以不不其天
以不不其天
以不不其天

每書流星大
如斗或三斗或
五斗不見天
官書別代史
未見何耶

隋公楊堅為大丞相冬十月甲寅日有
一卯有流星大如五斗出張南流光明燭地
王感陳王純以怨執政被誅大丞相隋國公楊
堅加大冢宰五府摠於天官戊寅梁虜破王謙
於劍南追斬之傳首京師益州平十一月甲辰
漢美儒破楊永安於沙州沙州平乙巳歲星守
太微丁未上柱國鄭國公暹孝寬薨十二月
壬子以柱國蔣國公梁春為上柱國癸丑癸
歲入氏丁巳以柱國邦國公楊雄為普安公賀

蘭墓言郝國公

將軍新寧公叱列

長義公將軍宇文恩濮

陽公字述清原公字景漁陽

公楊欽字開府廣公字李詢竝

為上柱國庚申以柱國齊國公字盧勣為上

柱國字文詔曰詩稱不知同姓傳曰異姓為後

蓋亦辯親疏較然不雜大相受命龍字猶潛

錄字真代之文星字齊書之象字天下志

扶魏室多所改作字武字官賜姓

旨被殺

者衆本亦國是實非昨三不款非... 而共蒸嘗不... 徵革世本... 而弗獲... 挹之旨... 甲子大丞相... 國辛未... 以大將軍... 宰始平... 元孝矩... 大司馬... 小冢

天定元年春正月壬午詔曰... 光陰端... 祀革号... 乙酉歲... 景成詔曰... 員為... 得清... 未康... 於茲亦... 西海寧... 八表

無塵元輔執鈞垂風揚化石後天下英傑盡升
小朝銜銜陟降量才而處垂拱無為庶幾可
至於此遣戎徒上開府以上職事下大夫以上外
官刺史以上各舉清平勤幹者三人被舉之
人居官三年有功過者所舉之人隨加賞罰以
大司馬長寧公楊勇為益州總管二月庚申
丞相隋王楊堅為相國愨白換更封十郡
前二十郡劔履上殿入朝不趨贊拜不名
九錫之禮加重璽鉞遠遊冠相國印綠綬綬

並非禪位而
笑曰稱尊號
則堅之篡奪
若取之固有
旁若無人更
甚于魏晉已

仕諸王上又加冕十有云漢建天子旌旗出警入
蹕乘金根車駕六馬備五副車置旄頭雲
罕樂舞八佾設鍾簾宮縣于后王子爵命之
号並依魏晉故事甲子隋王楊堅稱尊号
帝遜于別宮隋氏奉帝為介國公邑萬戶
車服禮樂一如周制上書不為表答表不稱詔
有其文事竟不行開皇元年五月壬申崩時
年九歲隋志也謚曰靜皇帝葬恭陵
史臣曰靜帝越自幼冲紹於表緒內相挾孫

天數有限必無可吝不有隋何有唐自然之理勢也

劉之詐威落無齊代之疆隋以因之遂遷龜鼎雖復岷峨投袂翻成以奪之威溘淦勤王無救宗周之殞嗚呼以太祖之克隆景業未踰二紀不祀忽諸斯蓋宣帝之餘殃非孺子之罪戾也

紀第八

周賈

列傳第一

周書九

皇后

令狐

德榮

榮華

文帝元皇后

文宣比奴皇后

孝閔帝元皇后

明帝獨孤皇后

武帝阿史那皇后

武帝李皇后

宣帝楊皇后

宣帝朱皇后

宣帝陳皇后

宣帝元皇后

宣帝尉遲皇后

靜帝司馬皇后

書紀有虞之德載釐隆一女詩述文王之美稱
刑于寡妻是知婚姻之道男女之別寔有國有
家者之所慎也自三代迄于魏晉興衰之數

大將軍小冢守大都督真定等以將軍事真定

刺史龔爵邵國公諡曰景子胄嗣

胄少而孤負頗有幹略景公之見害也以年幼

下葬於保定初詔以胄公護子會紹景公封天

和中與龔通好會始歸關中授大將軍開府儀

同三司龔蒙西爵邵公尋除宗師中大夫進位大將

軍出為原州刺史轉榮州刺史大象末隋文帝

輔政龔蒙州兵應尉遲迥與清河公楊素戰敗

遂走迥復於石碣遂斬之國除胄子乾不幼

此葉誤在
此必有一葉
誤在彼察
係邵惠字
什肥弟二葉

學政意魏恭帝二年以護平江陵之功賜爵江
陵縣公保定初賜景公後拜驃騎大將軍開府
儀同三司三年除蒲州潼關六防諸軍事蒲州刺
史肅至自齊攻討譚國公尋進位柱國建德初
與護同伐誅三年五月追贈復封舊爵

道字善蔭少雄其家有德一惠太祖愛之初與諸父
在葛榮軍中榮敗還至晉陽及太祖隨賀拔岳入
關道從而西常從征伐太祖討侯莫陳悅以道
為都督鎮原州及悅敗比先出故塞道等率騎追

公主以配太祖生孝閔帝大統七年薨魏恭帝
三年十二月合葬於陵孝閔帝踐祚追尊為王后
武成初又追尊為皇太后

文宣叱奴皇后八人也太祖為丞相納后為姬
在高祖天和三年六月尊為皇太后建德二年
三月癸酉崩四月丁酉葬永固陵

孝閔帝元皇后名胡氏魏文帝第五女初封晉
安公主帝之為略陽公也尚焉及踐祚立為王
后帝被廢后出俗為魯人建德初高祖誅晉國公

護上帝尊號爲孝閔帝以后爲孝閔皇后居崇
義宮隋氏韋公后出居里第六業十二年殂

明帝獨孤皇后大保衛國公信之長女帝之在
藩也納爲夫人二年正月立爲王后四月崩葬
昭陵武成初進崇宣皇后世宗崩與后合葬
武帝阿史那皇后突厥木杆可汗侯斤之女突
厥滅茹茹之後盡有其表之地控弦數十萬志陵
中夏太祖方與齊人爭衡結以爲援侯斤初欲
一女配帝旣而悔之高祖即位前後累遣使要

結乃許歸后於我保定五年二月詔陳國公純
許國公宇文貴神武公竇毅南陽公揚荐等
奉備皇后文物及行殿并六宮以下百二十人至
俟斤牙帳所迎后俟斤又許齊人以婚將有異
志純等在彼累載不得反命雖諭之以信義俟
斤不從會大雷風起飄壞其宮廬等旬日不
止俟斤大懼以爲天譴乃備禮送后及純等設
行殿列羽儀奉之以歸天和三年三月后至高
祖行親迎之禮后有姿貌善容止高祖深敬焉

宣帝即位尊為皇太后大象元年二月改為天
元皇太后二年二月又尊為天元上皇太后冊
曰天元皇帝臣贊奉爾璽綬冊謹上天元皇太后
尊號曰天元上皇太后伏惟窮窮神盡智合弘載
物道洽萬邦儀刑四海聖慈訓誘恩深明德雖
冊徽號未極尊嚴是用增奉鴻名光縟常禮
誠敬有展歡慰在茲福祉無疆億兆斯賴
帝崩靜帝尊為太皇太后隋開皇二年殂
二十二隋文帝詔有司備禮冊紼葬於孝陵

高祖李皇后名娥葬楚人也于謹平江陵後高家
以葬汝至長安太祖以後賜高祖後稍得親幸
大象元年二月改為天元帝太后七月又尊為
天皇太后二年尊為天元聖皇太后冊曰天元
皇帝臣謹奉爾璽綬冊謹上天皇太后尊號曰天元
聖皇太后伏惟日精効祉坤靈表祝瑞慶華丹
陵慶流華渚雖率由令典夙奉徽號而恩盡
敬未極尊尊有足思弘稱古早昭聖德敬竭誠
卷永綏福履顯揚慈訓貽厥功以謀曰帝崩靜

帝尊為太帝六后隋開皇三年三月出俗為尼改名常悲八年殂年五十三以正禮葬于京城南

宣帝楊皇后名麗華隋文帝長女帝在東宮高祖為帝納后為皇太子妃宣政元年閏六月立為皇后帝後自稱天元皇帝號后為天元皇后尋又立大皇后及左右皇后與后為四皇后焉二年詔曰帝降一女后德所以儷君子列四

妃象於焉垂以朕取法上玄稽諸典爰

命四后內止六宮庶弘贊柔德廣脩案盛比殊禮雖降稱謂曷宜其因天之象增錫嘉名於是后與三皇后並加大焉帝遣使持節冊后為天元大皇后曰咨爾令章載德體順居貞肅恭享祀儀刑邦國是用嘉茲顯號式暢徽音爾其敬踐厥猷寅咨靈命對揚休烈可不慎歟尋又立為天中太皇后與后為五皇后后性柔婉不妬忌四皇后及嬪御等咸愛而仰之帝後昏暴滋甚喜怒乖度嘗譴后欲加之罪后進止詳閑辭

世有既為母
后復稱公主
者乎

色不撓帝大怒遂賜后死逼令引訣后母獨
孤氏聞之詣閣陳謝叩頭流血然後得免帝
崩靜帝尊后為皇太后居弘聖宮初宣帝不
豫詔后父入禁中侍疾及大漸劉昉鄭譯等
因矯詔以后父受遺輔政后初雖不預謀然
以嗣主幼冲恐權在他族不利於已聞昉譯
已行此詔心甚悅之後知其父有異圖意頗
不平形於言色及行禪代憤惋逾甚隋文帝既
不能譴責內甚愧之開皇六年封后為樂平公

老賊無耻

事後又議奪其志后之言不許乃其業五年從
煬帝幸張掖殂於河西四年四十九煬帝還京詔
有司備禮祔葬后於定陵

宣帝朱皇后名麗月也其家坐事没入東
宮帝之為太子后被選掌帝衣服帝年少口
而幸之遂生靜帝大象元年立為天元帝后尋
改為天皇后二年又改為天大皇后無日咨爾
彌宣四德訓範六宮軒夏列序堯門表慶嘉
稱既降盛典宜膺爾甘飾性履道無愆禮

永固休祉可不慎歟后太非良家子又年長於
帝十餘歲踈賤無能以起聖帝故特尊崇之班亞
揚皇后焉宣帝崩時帝尊為帝太皇太后隋開
皇元年出俗為尼法法淫淫六年烈年四十以尼禮
葬京城

宣帝陳皇后名月娥自公潁川人大將軍山提
第八女也大象元年六月以選入宮拜為德妃
月餘立為天左皇后二年二月改天左大皇后
曰咨爾儀範柔閑操履凝潔淑問彰於

一咏胡做
冊文多不
堪

近令則冠於宮闈正用由彼龍音加茲徽號
其復禮詩披圖顧史永隆嘉命可不慎歟
三月又詔曰正內之重風化之基嘉耦之制代多
殊典軒轡繼軌次妃並而虞舜受命厥取女猶
三禮非相龍襲隨時不無朕祗承寶圖載弘徽
號自我改作超革先古曰天元居極立帝所以
仰崇王者稱尊列后於焉上儷且坤儀此德
上數惟五既縟相典宜取斯儀四大皇后外可
增置天中大皇后一人天中大皇后受三案威儀

晉晉躋肇建嘉名宜膺顯冊於是以后為天
中大皇后帝崩后出家為尼改名華光居文山
提本高氏之誅任齊官至特進開府東萊州刺
史謝陽王高祖十齊拜大將軍封新陽郡公
天象元年后父超授上柱國進封鄆國公除
太宗伯

宣帝元皇后名藥尚河南洛陽人也開府儀
之第二女年十五被配入宮拜為貴妃大元元
年七月立為天右皇后二年二月改稱大元

皇后冊曰咨爾次真靈姜水載德塗山慈淑內
融徽音潛暢是用加茲寵數式光踐禮爾其兼
脩儀範肅膺顯冊祇奉休命可不慎歟帝崩
后出俗為尼改名華勝初后與陳后同時被
選入宮俱拜為妃及外后位又同日受冊帝寵
遇二后禮數均等年齒復同特相親愛及為
尼後李朱及尉遲后等並相繼殞沒而二后予
今尚存后父晟少以元氏宗室拜開府大元元
年七月以后父進位上柱國封翼國公

宣帝尉遲皇后名熾繁蜀國公迥之孫女有
美色初適杞國公亮子西陽公温以宗婦例入
朝帝逼而幸之及亮謀逆帝誅温進后入宮拜
為長貴妃大象二年三月立為左太皇后冊
曰咨爾門膺積善躬表靈貺德音茂德朕
實嘉之是用弘茲盛典申彼寵章爾其克慎
厥猷寅咨景命永承休烈可不慎歟帝崩后
出宮為尼改名華光以隋開皇十五年殂年三十
葬帝司馬皇后名令姬注國樂陽公消難之

女大象元年二月宣帝傳位於帝七月為帝納
為皇后冊曰坤道成形厚德於焉載物陰精
迭運重光所以麗天在昔皇王膺乾御曆內
政為助昭被圖篆惟爾門積慶靈家韜休
烈徽音令範無替口一時是用命爾作儷白王極
爾其克勵婉心肅膺盛典追皇英之逸軌庶
任妙之芳塵禕翠有光采盛無怠雖休勿休
以隆嘉祚二年九月隋文帝以后父擁眾奔陳
廢后為庶人後嫁為隋司隸刺史李丹妻于

象字

為帝后而
再譙真宗
成人

嘉靖十年刊

今尚存

史臣曰孔子稱夷狄之有君不如諸夏之亡也
是以周納狄后富辰謂之禍階晉升戎女卜人
以爲不吉斯固非謬焉自周氏受命逮乎高
祖年踰三紀世歷四君業非草昧之辰事殊
權宜之日乃奔同即異以夷亂華捐婚姻之
彝序求豺狼之小利既而報者倦矣施者無
厭向之所謂和親未幾已成讎敵竒正之道有
異於斯于時高祖雖受制於人未親庶政而謀

士韞竒直臣鉗口過矣哉歷觀前載以外或以而
居宰輔者多矣申呂則曠代無聞呂權則當時
俱盛傾漢室者三族喪周社者楊氏何滅亡之
禍合若符契焉斯魏文所發一槩之詔也已

列傳第一

周書九

列傳第二

周書十

令狐

德榮

等撰

邵惠公顯

子什肥導護什肥子胄
導子廣亮翼椿衆

杞簡公連

莒莊公洛生

子善提

虞國公仲

子典

邵惠公顯太祖之長兄也德皇帝娶樂浪王氏
是為德皇后生顯次杞簡公連次莒莊公洛生
次太祖顯性至孝德皇后崩哀毀過禮鄉黨歲

敬異焉德皇帝與衛可孤戰于武川南河臨陣
墜馬顯與數騎奔救擊殺數十人賊衆披靡德
皇帝乃得上馬引去俄而賊追騎大至顯遂戰
歿保定初追贈太師柱國大將軍大冢寧大都督
恒朔等十州諸軍事恒州刺史封邵國公邑萬
戶謚曰惠顯三子什肥道謹護別有傳

什肥年十五而惠公沒自傷早孤事母以孝聞
永安中太祖入關什肥不能離母遂留晉陽及
太祖定秦隴什肥爲齊神武所害保定初追贈

此居妃傳中
第二葉誤置
于此

失之迹備平傳記故其詳可得聞焉若如納以
德坊閉以禮大義正於宮闈王化行於邦國則
增儀式固而鼎命惟永矣至於邪僻既進法度
莫修治容迷其主心私謂直蠹其朝政則風化凌
替而宗社不守矣夫然者豈非皇王之龜鑑與
周氏率由姬制內職有之什太祖創基修祚席以
儉幼高祖嗣膺節慎欲於矯枉宮闈有責魚之
美威里無私溺之尤可謂明得人君體也豈皇外
行其志內逞其欲漢豈難爾採擇無厭恩之所

於夏人限所皇榮之所及無阻險設於是升蘭殿
而正位踐椒庭而齊體者豈非一人焉階房帷而
拖青紫承恩倖而擢三帛者非一族三羅幸矣
之荒淫趙李之傾惑曹朱足比其夥歸也民厭
苛政弊事寔多太祖之作勞心諸特由於此故叙其
事以為皇后傳云

文帝元皇后魏孝武帝之妹初封平原公主適
開府張歡歡性貪殘無禮又嘗殺后侍婢
后怒訴之於帝帝乃執歡殺之改封后為馮翊

之至率屯山及悅斬之傳首京師以功封饒陽
縣增邑五百戶拜冠軍將軍加通直散騎常侍魏
文帝即位以定策功進爵為公增邑五百戶拜
使持節散騎常侍車騎大將軍左光祿大夫三
年太祖東征導入宿衛拜領軍將軍大都督齊
神武渡河侵馮謂太祖自弘農引軍入關與齊
左右禁旅會於沙苑與齊神武戰大破之進位
儀同三司明年魏文帝東征督導為襄州刺史
及趙高雀于山使德言不容惡慶等作亂高言

平所部兵營之檢校總管意慮遂屯潁橋會太
相軍事平遣將軍武部公增邑并前二千戶柔
加待中開府將軍大將軍太子少保高仲密以
北豫降太祖率諸將襲魏皇太子東征復以
道為大都督華東雍二州諸軍事行華州刺史導
治兵訓卒得定捍之方及大軍不利東魏軍追
至稠桑知關中有備乃退會侯景與河來附遣
使請後朝議將應之乃徵為隴右大都督秦書
守十五州諸軍事並州刺史及齊氏稱帝太祖

發關中兵討之魏文帝遣齊王廓鎮隴右徵
還朝拜大將軍大都督三雍二華等二十三州
諸軍事屯咸陽大軍還乃旋舊鎮道性寬
明善於撫御凡所引接人皆盡誠臨事故慎常
若弗及太祖每出征討導恒居守深為吏民所
附朝廷亦以此重之魏恭帝元年十二月薨於
上邽年四十四魏帝遣侍中漁陽王緇監護喪
事贈本官加尚書令秦州刺史謚曰孝朝議以
導撫和西戎威恩顯著欲令世鎮隴右以彰厥

當字

德乃葬於上邽城西無疆原華戎會葬有萬餘人奠祭於路悲號滿野皆曰我君捨我乎大小相率負土成墳高五十餘尺周迴八十餘步為官司所止然後泣辭而去其遺愛見思如此天和五年重贈太師柱國函國公導五子廣亮翼椿衆亮椿竝出後於祀

廣字乾歸少方嚴好文學初封永昌郡公孝閔帝踐阼改封天水郡公世宗即位授驃騎大將軍開府儀同三司出為秦州刺史武成初進

大將軍遷梁州總管封國公

定初入為小寇鎮蒲州兼知潼關等

六防諸軍二年除秦州總管十三州諸軍事

秦州刺史廣性明察善綏撫民庶畏而悅之所

晉公護妻于及廣弟祀國公亮等服玩侈靡

越制度廣獨率由禮則又折節待士朝野以是

稱焉曾行食於高祖所食瓜美其可以奉進高祖

悅之四年進柱國廣以晉公護久擅威權勸

今把指三妻不能納天和三年除陝州總管以病

免及孝公追封幽國公。詔廣龍衣帶。討初。廣母之民
以廣也。病守。憂而成疾。因此致沒。廣無居喪。言
加綿。如。以。致。憂。世。稱。母。為。廣。公。病。廣。為。母。之。慈。
孝。之。道。極。於。一。門。高。祖。素。服。親。臨。百。僚。置。其。具。
故。吏。儀。同。李。充。信。等。上。表。曰。臣。聞。資。子。成。忠。上。
民。為。義。旌。德。樹。善。有。國。常。規。竊。惟。故。幽。國。公。口。
廣。懿。親。令。望。具。瞻。攸。在。道。冠。君。后。功。懋。維。城。之。
脈。建。旆。威。行。秦。隴。班。條。驅。傳。化。溢。嶺。函。比。膝。理。
并。和。奉。詔。還。闕。藥。石。所。及。沉。痾。漸。愈。而。災。豐。其。

集。丁。此。窮。息。至。性。過。人。舊。疾。因。茲。致。頓。以。
至。憂。死。尋。繹。貫。切。不。能。自。下。臣。等。接。事。每。承。餘。
論。仰。之。平。昔。約。已。立。身。位。極。上。公。賦。兼。主。素。亦。
獲。祿。秩。周。贍。無。餘。器。用。照。行。取。給。而。已。毋。言。及。
終。始。尤。存。簡。素。非。秦。政。之。比。若。天。禮。選。不。得。而。美。
厚。薪。今。下。光。有。期。先。遠。方。以。誠。恐。一。從。時。露。此。
志。莫。伸。伏。惟。陛下。弘。不。世。之。慈。垂。嘉。祐。之。澤。率。
留。情。既。往。降。怒。幽。魂。爰。切。有。司。申。具。宿。志。寬。宥。
之。禮。庶。存。儉。約。詔。曰。省。言。信。等。表。復。增。哀。悼。幽。

以賜之卒軍還至豫州亮密謂長史杜士陵曰
至上海幾海其社稷將危吾既承宗祚不忍坐
見傾覆今若棄取鄧國公而并其衆推諸父
為三鼓行而前誰敢不從遂夜將數百騎襲孝
寬營會亮國官茹寬知其謀先以馳告孝寬乃
設備亮不克逃走孝寬追斬之子明坐亮誅詔
以亮弟椿為烈公後

亮弟乾宜武成初封西陽郡公早薨諡曰昭無
子以祀國公亮子溫嘗兩嗣後坐亮反誅國除

椿字乾壽初封永昌郡公保定中授開府儀同
三司宗師中大夫建德初加大行軍尋除岐州
刺史四年關中民飢椿表陳其狀爾書勞慰
因令所在開倉賑卹四年高祖東伐椿與齊王
憲攻拔武濟等五城五年高祖出晉州椿率衆
屯樓雞原宣帝即位拜大司寇亮誅後詔令紹
烈公封尋遷位上柱國轉大司徒大定初為隋
文帝所害年六十四陽公道宗在位武王
禮獻

老賊害周
系枝再世藏
何利之有

梁守乾道保定初封天水郡公少而不慕
不常大莫能測隋文帝踐極初欲封為介公後
復諫之并二子仲和敦倫

杞簡公連幼而謹厚臨敵果毅隨德皇帝定
州軍於唐河遂俱歿保定初追贈使持節太傅
柱國大將軍大司徒大都督定興等十州諸軍
事定州刺史封杞國公邑五千戶謚曰簡子光
竇俱為齊神武所害保定初追贈大將軍小司徒大
都督幽燕等六州諸軍事幽州刺史襲爵杞國

公謚曰烈以章武公道導子亮嗣

苜莊公洛生少任俠尚武藝及壯有大度好施
愛士北州賢俊皆與之遊而才能多出其下及
葛榮破鮮于脩禮乃以洛生為漁陽王仍領德
皇帝餘衆時人皆呼為洛生王洛生善將士帳
下多驍勇至於攻戰莫有當其鋒者是以克獲
常冠諸軍爾朱勞定山東收諸豪傑遷於晉陽
洛生時在虜中榮雅聞其名心憚之尋為榮所
害保定初追贈使持節太保柱國大將軍大冢

宰太宗伯大都督并肆等十州諸軍事并州刺史封莒國公邑五千戶謚曰莊

子善提為齊神武所害保定初追贈大將軍小宗伯大都督肆恒等六州諸軍事肆州刺史襲爵莒國公謚曰穆以晉公護子至為嗣

至字乾附初封崇業公後襲穆公爵建德初父護誅詔以衛王直子賓為穆公後二年追復至

爵

賓字乾瑞尋坐直誅建德六年更以齊王憲子

廣都公真襲爵真字乾禎宣帝初被誅國除

虞國公仲德皇帝從父兄也卒于代保定初追贈使持節太傅柱國大將軍大司徒大都督燕平等十州諸軍事燕州刺史封虞國公邑三千

戶子興嗣

興生兵亂與仲相失年又冲幼莫知其戚屬遠近與太祖兄弟初不相識齊神武寇沙苑興預在行間軍敗被虜隨例散配諸軍興性弘厚有志度雖流離世故而風範可觀魏恭帝二年舉

前有洛生為伯封祖此又名

洛史氏之誤也又云封介公為滑賔豈容誤耶

賢良除本郡丞徙長隰縣令保定二年詔仲子與始附屬籍高祖以興宗戚近屬尊禮之甚厚拜使持節驃騎大將軍開府儀同三司都督封大寧郡公尋除宗師中大夫四年出為涇州刺史五年又徵拜宗師加大將軍襲爵虞國公天和二年薨高祖親臨慟焉詔大司空申國公李穆監護喪事贈使持節柱國大將軍大都督恒幽等六州諸軍事恒州刺史諡曰靖子洛嗣洛字水洛九歲命為虞國公世子天和四年詔

龍衣

爵建德初拜使持節車騎大將軍儀同

三司及靜帝崩隋文帝以洛為介國公為隋室賔去

史臣曰自古受命下之君及守文之主非獨異於之輔也亦有骨以之助焉其茂親有骨以衛梁楚其疎屬有骨以助燕威能飛聲騰實不泯於百代之後三若國孝公之勳烈而加以以善政蔡文公之純孝而飾之以儉約我我焉足以輔輔於前載矣嘗隋氏之起乘天威而服海內將相王

仍止于此

侯莫不隱所瞻以効欵授符令以領德曹以葭
萃之親據一州而可義讓今可謂忠而能勇功業
不遂悲夫亮實庸才圖非常於巨逆古人稱不
度德不量力者其斯之謂歟

列傳第二
周書十一

列傳第三

周書十一

德柔 等撰

晉蕩公護 此羅協 馮遷

晉蕩公護字陸保太祖之兄邵惠公顯之少子
也幼方正有志度特為德皇帝所愛皇弟諸兄
年十一惠公薨死隨諸父在葛榮軍中榮敗遷晉
陽太祖之入關也護以年小不從晉泰初自晉陽
至平涼時年十七太祖諸子並幼護委護以家務
內外不廢而肅太祖嘗歎曰此見志度類我及出

臨夏州留護事賀拔岳岳之被害太祖至平涼
以護為都督從征侯莫陳悅破之後以迎魏帝
功封水泚縣伯邑五百戶大統初加通直散騎常
侍征虜將軍以預定樂勳進爵為公增邑通
前二千戶從太祖擒竇泰復弘農破沙苑戰河橋
並有功遷鎮東將軍大都督八年進車騎大將軍
儀同三司邱山之役護率眾先鋒為敵人所圍都
督侯伏侯龍恩挺身并御示方得免是時趙貴
等軍亦退太祖遣師護坐免官尋復為大將軍

年加驃騎大將軍開府儀同三司進封中山公
增邑四百戶十五年出鎮河東遷大將軍鎮守
護征江陵護率輕騎為先鋒晝夜兼行乃遣裨
將攻梁臨邊城鎮並拔之并擒其候騎進兵徑
至江陵城下城中不意兵至惶窘失圖護又遣
騎二千斷江津收舟艦以待大軍之至圍而克之
以功封子會為江陵公初襄陽襄陽節向天保等
萬有餘落恃險作寇及師還護宣討其之初
行六官拜小司空太祖西巡至寧地山身疾馳驛

宇文泰原有
此言護不乘
時自取後來
乃騎虎不下
自貽滅門之
而橫矣

召護護至涇州見太祖而太祖笑曰卿為護護曰
吾形容若此必是不肖諸子幼小冠服示守天下
之事屬之於汝宜勉力以成吾志護涕泣奉命行
至雲陽而太祖朋護秘之至長安乃發喪時嗣
子冲弱疆寇在近人情不安護綱紀內外撫循
文武於是衆心乃定先是太祖常云我得胡力當
時莫曉其旨至是人以護之為之尋拜柱國太
祖山陵畢護以天命有歸遂入諷魏帝遂行擇
之事孝閔帝踐祚大司馬封晉國公邑一萬

護人臣也著
殺而已何以
伏誅言也

平趙貴獨孤信等謀襲護護因貴入朝追執之
黨與皆伏誅拜大象宰時司會李植軍司馬孫
恒等在太祖之朝久居權要見護執政恐不見
容乃密西宮伯乙弗鳳張必洛駕拔提元進等
為腹心說帝曰護誅趙貴以來威權日盛謀臣
宿將爭往附之大小政事皆決於護以臣觀之將
不守臣節恐其滋蔓願早回之帝然其言鳳等
又曰以先王之聖明猶委植恒以朝政公若左提右
挈何向不成且晉公常云我公下夾輔陛下欲行周

公之事臣聞周公攝政七年然後復子明辟陛下今日豈能七年若此乎深願不疑帝愈信之數將武士於後園講習爲執縛之勢護微知之乃出植爲梁州刺史恒爲潼關刺史欲遏其謀後帝思植等每欲召之護諫曰天下至親不過兄弟若兄弟自構嫌隙他人何易可親太祖以陛下富於春秋顧命託臣以後事臣旣情兼家國寔願竭其股肱若使陛下親覽萬機威加四海臣死之日猶生之年但恐除臣之後女奴回得逞其

心事明白如此
何若恬權不
退

當斷不斷反
受其亂

欲非惟不利陛下亦恐社稷危亡臣所以勤勤懇懇干觸天威者但不負太祖之顧託保安國家之鼎祚耳不意陛下不照愚臣款誠忽生疑阻且臣旣爲天子兄復爲國家宰輔知與何求而懷異望伏願陛下有以明臣無惑謗人之口因泣涕久之乃止帝猶猜之鳳等益懼密謀滋甚遂克日將召鳳等入燕就戮等之光洛具言其前後謀害護乃召司馬懿還朝懿等以鳳等告之懿等立爲護廢帝特頒勅領兵護乃遣

若是純臣殺
鳳等是矣何
至廢弒尉遲
綱賀蘭祥權
門鷹犬硬主
廢之自周室
之逆賊也

納入宮。鳳等議事。及出。以次就。護軍。因罷。散
宿衛兵。遣行。道。帝。幽。於。善。宮。以。召。諸。公。卿。畢。
集。護。流。涕。謂。曰。先。王。受。命。布。衣。躬。親。行。陣。勤。勞。
三。業。三。十。餘。年。寇。賊。未。平。倉。粟。竭。國。寡。人。地。則
猶。子。親。受。顧。命。以。豎。陽。公。託。居。正。嫡。與。公。等。立。而
奉。之。章。魏。興。周。為。四。海。主。自。即。位。以。來。荒。淫。無。度。
昵。近。羣。小。疎。忌。骨。肉。大。臣。重。難。咸。欲。誅。夷。若。此
謀。遂。行。社。稷。必。致。傾。覆。身。人。若。死。將。何。面目。以。見
先。王。今。日。寧。當。負。社。稷。而。寧。寧。都。公。三。德。

兼。茂。公。李。聖。惡。曰。海。歸。心。為。其。注。意。必。欲。廢。昏。
立。明。公。等。以。為。如。何。羣。臣。咸。曰。此。公。之。家事。敢。不。
作。命。是。聽。於是。斬。鳳。等。於。門。外。并。誅。植。恒。等。
尋。亦。殺。帝。迎。世。宗。於。岐。州。而。立。之。二。年。拜。太。師。賜。
駟。車。見。服。封。子。三。公。為。崇。業。都。公。初。改。雍。州。刺。史。
為。安。以。護。為。之。并。賜。金。石。之。樂。武。成。元。年。護。上。
表。歸。政。帝。許。之。三。國。上。書。言。護。安。於。護。帝。性。慈。辱。
有。護。言。護。深。恨。之。有。司。以。其。言。本。以。鼎。俎。得。寵。
於。護。猶。恨。斗。龍。在。此。謂。部。下。公。公。三。是。護。乃。密。

昭陽固謀誅
護矣世宗有
行罪乎連殺
二君護賊可以
見先王于地下
矣

今安國進食於帝以三爵帝遂寢疾而崩護立
高祖自宮憲己以氣於護自六經為丞相立左右
十二官以屬指府太祖崩後宮受護虜分凡所
徵發非護言不行護為屯兵禁衛盛於言聞
事無巨細皆先斷後聞保定元年以護為都督
中外諸軍事令五府總於天官或有希護旨云
周公德重魯立文王之廟以護功比周公宜用此
禮於是詔於同州晉國第五德皇帝別廟使護
祭焉三年詔曰大家宰晉國公智周葉物道濟

天下所以克成我帝業安養我蒼生沈親則懿
昆任當元輔而可同班羣品齊位眾臣自今詔
誥及百司文書並不得稱名以彰殊禮護抗
表固讓初太祖創業即與突厥和親謀為犄角
共圖高氏是年乃遣柱國楊忠與突厥東伐破
齊長城至并州而還期後年更舉南北相應齊
主大懼先是護母閭姬與皇第四姑及諸戚屬
並沒在齊皆被幽繫護居宰相之後每遣間使
尋求莫知音息至是立許還朝且請和好四年

皇姑先至齊主以護既當權重乃留其母以為
後圖仍令人為閭作書報護曰天地隔塞子母
異所三十餘年存亡斷絕肝腸之痛不能自勝
想汝悲思之懷復何可處吾自念十九入汝家今
已半矣既逢喪亂備嘗艱阻恒冀汝等長成
得見一日安樂何期罪覺深重存沒分離吾凡
生汝輩三男三女今日目下不覩人興言人此悲
纏肌骨賴皇齊恩卹差安衰暮又得汝楊氏姑
及汝叔母紇于汝嫂劉新婦等同居頗亦自適

但為微有耳疾大語方闢行私勤飲食幸無多恙
今大齊聖德遠被特降鴻慈既許歸吾於汝
又聽先致音耗積稔長悲豁爾獲展此乃仁俾
造化將何報德汝與吾別之時年尚幼小以前家
事或不委曲昔在武川鎮生以兄弟大者屬鼠
次者屬兔汝身屬蛇鮮于修補恒起日吾之闔家
大小先在博陵郡住相將欲之回左人城行至唐
河之北被定州官軍打敗汝叔及二叔時俱戰
亡汝叔母賀拔及兒元寶汝叔母紇于及兒菩

提并吾與汝六人同被擒捉入定州城未幾間將吾及汝送與元寶掌賀拔統于各別分散寶掌見汝云我識其祖翁形狀相似時寶掌營口在唐城內經停三日寶掌所掠得男夫婦文司六七十人悉送向京吾時與汝同被送限至宗州城南夜宿同鄉人姬庫根家茹茹奴望見鮮于修禮營火語吾云我今走向本軍既至營遂告吾輩在此明日日出汝叔將兵邀截吾及汝等遂得向營汝時年十二共吾並乘馬隨軍可不記此事緣由也於後

三共汝在受陽住時元寶掌提及汝姑兒賀蘭盛洛并汝身四人同學博士姓於爲人嚴惡凌等四人謀欲加害吾汝共叔母於寺間知各捉其兒打之唯盛洛無母獨不被打其後余朱天柱亡歲賀拔阿斗泥在相州西遣人迎家累時汝叔亦遣奴來富迎汝及盛洛等汝時著緋綾袍銀裝帶盛洛着紫織成纈通身袍黃綾裏並乘騾同去盛洛小於汝汝等三人竊呼吾作阿摩敢如此之事當分明記之耳今又寄汝小時所着

情詞酸楚雅
高氏借以動
護然必生人
至情

錦袍表一領至宜檢看知吾令悲感多歷年祀
屬千載之運逢六齊之德矜也心開恩許得相見
一聞此言死猶不朽况如今生百勢必聚集禽獸
草木母子相依吾有何罪由汝分離今復何
福還望見汝言此悲喜死而更蘇世間所有
求皆可得母子異國何處可求假汝貴極王公
富過山海有一老母八十之年飄然千里死亡
夕不得一朝暫見不得一日同重寒不得汝衣饑不
得汝食汝雖窮榮極盛光耀世間汝何用為於吾

何益吾今日之前汝既不_下由其供養專往何
論今日以後吾之殘命唯_{繫於汝}爾戴天履地
中有鬼神勿云冥昧而可_{欺負汝楊氏姑今雖炎}
身猶能先_受關河阻法_地幾_幾年_年書依常體
汝致感_感旦_旦以每存款_其來_來不_不當識
此_此不_不以為_{以為}以_以護性_{護性}至_至去
草_草能_能仰_仰視_視報_報言_言曰_曰區_區宇_宇
三_三十_十五_五年_年受_受是_是自_自善_善不_不比
不_不卒_卒宿_宿殃_殃積_積吳_吳哈_哈應_應歸_歸
鍾_鍾豈_豈悟_悟網_網羅_羅上_上嬰_嬰慈_慈母_母
日_日知_知母_母子_子誰_誰同_同產_產保_保如_如此
分_分崩_崩遭_遭逼_逼災_災禍_禍違_違離_離膝_膝
得_得言_言悲_悲不_不自_自勝_勝左_左右_右

但一身正行一不方且一物一
世有識且見哀憐而子
慈公侯母為伴。疎熟不
見母熱寒不見母寒衣
不知有無食不知饑餓。泥
如天地之外無由暫聞
書。心號繼之以血分。痛
免酷終此。生死若有
知。里奉日見於泉下。爾不
謂齊朝解網。惠以德
音。歷數四姑。並許於茲。
聞此言。魂爽飛越。號
天叩地。不能言。四姑即
蒙禮送。平安。境以今
月十日。於河東拜見。遙去
半顏色。崩動。但
離絕多年。存二阻隔。相見之始。口未忍言。唯叙

齊朝寬弘。意友之德。與摩敷。雖處宮禁。常
優禮。今者來。蒙恩過彌隆。於哀聽許。摩敷垂
敷。曲盡悲酷。備述家事。伏請。不用。王情。省。書
中所。無事。敢忘。摩敷。身。又加。憂。謂寢
膳。取。損。或多。遺漏。伏奉。論。公。公。明。以悲
一。以。言。富鄉里。破。之。日。陸。保。生。已。十。餘。歲。隣
。看。事。猶。自。記。意。況。家。門。禍。難。親。戚。流。離。奉。辭
。。。後。慈。訓。刻。骨。常。纏。心。腑。天。兵。喪。亂
。。。流。公。祖。乘。時。齊。朝。撫。遺。。河。三。顛。。值。神

據原真事跡。非相負誓。太祖外遐未定。保薩
保屬。皆由猶子之長。親受顧命。雖身居重。任職當
憂。至於歲時稱慶。子孫在庭。顧視悲摧。心情
繼絕。胡顏履戴。負負。魏神明。需而然之恩。既以
愛敬之至。施及傍人。草木有心。禽魚有感。况在
人。無而不銘。戴有家。有國。信義為本。伏庶來期。
已應。有日。得奉。見慈顏。永畢。生願。生死。肉骨。
豈過。今因。負山。戴岳。未足。勝荷。二國。公隔。理無。
書信。于以。波朝。絕。不。母之。恩。亦。願。許。奉。公。之。

期今日。得通。伏紙。唯。聖言。不。宣。心。家。之。誌。
保別時。所留。錦袍。表。年。歲。雖。久。宛。然。猶。識。抱。此。
悲。泣。至。于。拜。見。事。歸。忍。死。知。復。何。心。齊。朝。不。即。
發。遣。更。令。與。護。書。要。護。軍。報。往。返。再。三。而。竟。
不。至。朝。議。以。其。失。信。今。有。三。殺。齊。曰。夫。有。三。則。
存。無。信。不。立。山。岳。猶。輕。六。合。非。重。故。三。誓。言。違。
百。言。所以。事。一。國。祝。文。無。怨。陸。會。所以。為。盟。未。有。
三。殺。生。民。而。臨。有。國。可以。忘。我。而。多。食。三。言。者。也。
三。誓。言。違。地。高。天。時。鐘。地。陷。三。家。親。戚。淪。陷。三。紀。

仁姑也。聖上德之遠。彼以去。夏之初。德音。二。仁姑。言。出。乃。指。越。來。謂。其。信。必。言。言。無。不。上。成。候。冰。霜。行。及。方。為。世。世。子。孫。設。議。言。歸。曰。徵。酬。合。二。女。五。言。既。非。所。須。保。境。宣。民。又。云。報。詳。觀。此。意。全。乖。本。圖。愛。人。以。禮。言。為。姑。息。而。女子。責。誠。實。親。友。報。實。傷。和。氣。有。悖。天。經。我。之。同。室。大。祖。之。天。下。也。焉。可。捨。國。顧。家。殉。名。虧。實。害。所。養。斯。曰。仁。人。臣。節。潛。鋒。孰。非。架。若。令。送。之。千。尺。寸。兩。說。維。

乃。見。震。長。平。則。分。為。二。兵。出。與。公。則。韓。列。衣。也。要。得。循。全。謂。無。俱。益。八。家。宰。位。隆。將。相。情。兼。家。國。衝。志。如。與。分。車。冤。死。且。意。嗟。指。可。尋。倚。門。應。空。定。同。善。如。一。無。令。終。自。辟。震。驚。三。軍。憤。死。不。為。孝。子。當。作。忠。臣。吳。夫。歲。北。軍。深。入。數。得。城。下。雖。曰。班。師。餘。功。未。遂。今。茲。馬。首。南。向。更。期。重。入。三。日。人。負。之。我。之。職。矣。照。諸。道。路。早。已。戒。嚴。非。自。北。拒。不。善。南。略。僕。欲。自。送。之。願。也。如。或。嬰。城。未。能。支。敵。言。朝。請。自。與。五。石。周。旋。為。惠。不。終。祇。增。深。怨。愛。

君親義同
護此時已得
老母受鉞
之任不必自
行可也不然
責人失信而

自先悖德有
親面目何以為
人又師出無名
大將所忌不
知護心何以處
此

親無慢。聖訓尼。於鄉窮老。則。環。球。之
義。事。不。由。此。自。內。省。豈。宜。有。問。核。書。未。送。而
丑。聖。朝。慶。悅。赦。天。下。護。與。再。隔。多。年。一
且。聚。集。凡。所。資。奉。躬。極。華。盛。無。四。時。伏。臘。高
祖。聖。諸。親。戚。行。家。人。之。禮。稱。觴。上。壽。榮。貴。之。極
振。古。未。聞。是。年。癸。厥。復。率。眾。赴。期。齊
氏。初。送。國。親。未。必。即。事。征。討。復。慮。失。信。著。重。其
王。患。不。得。口。遂。請。東。征。九。月。詔。曰。神。若。軒。皇
一。戰。聖。如。姬。武。日。成。弧。矢。之。威。干。戈。之。用

帝王大器誰能去。太祖不受。大明造我周。
日月所照。罔不率從。高氏乘豐。跋扈竊有。
冀世濟其惡。腥穢章聞。自天震怒。假手突厥。
驅略汾晉。掃地無遺。赤子孟勢。窮伯。嗟日。感入坐。
待滅亡。鑒之。思智。故突厥。班師。仍屯。彼境。更集。
諸部。領國。齊至。皇流。電擊。數道。俱進。期在。仲。
冬。同會。并。鄴。大家。宰。晉公。朕之。鑿。具。任。隆。伊。呂。
平。一。官。惟。公。是。屬。朕。當。親。執。斧。鉞。廟。廷。祗。受。
有。司。宣。勅。眾。軍。量。程。赴。集。進。止。遵。遠。委。公。處。

分於是徵二十四軍及左右廂散騎及秦隴巴
蜀之兵諸蕃國之衆二十萬人十月帝於廟庭
設護斧鉞出軍至潼關乃遣柱國尉遲迥率
精兵十萬爲前鋒大將軍權景宣率山南之兵
出豫州少師楊樹出軹關護進營漸進屯軍弘
農迴攻圍洛陽柱國公憲鄭國公達美武等營
於邙山護性無戎略且此行也又非其本心故師
出雖久無所克獲護本人漸斷河陽之路迥
具以兵然後同攻洛陽使其內外隔絕諸將以

爲齊兵必不敢出惟在候而已但連日陰霧齊
騎直前圍洛之軍一時潰散唯尉遲迥率數十
騎扞敵齊公憲又督邙山諸將拒之乃得全軍
而返權景宣攻克豫州尋以洛陽圍解亦引軍
退楊樹於軹關戰沒護於是班師以無功與諸
將稽首請罪帝弗之責也天和二年護母薨
尋有詔定令視事四年護巡歷北邊城鎮至靈
州而還五年又詔曰光宅曲阜嘗用郊天之樂
地處參墟嘗有大蒐之禮所以言時計功昭德

不成句

紀行使持節太師都督中外諸軍事在國大將
軍大冢宰晉國公體道居員舍和護德地居戚
右才表棟隆國步艱難寄深夷險皇網結構事
均休戚故以迹冥殆庶理契如仁今文範尚陽方
隅猶阻與策未備聲明多闕宜賜軒懸之樂六
佾之舞護性甚寬和然暗於大體自恃建三之
功又當權軸凡所未交任皆非其人兼諸子貪殘僚
屬縱逸恃護威勢莫不三益政害民上下相蒙
曾無寒慮高祖以其具恭慢密與衛王直圖之七

年二月十八日護自同州還帝文安殿見護

若之臣坐
才心安乎予
不敢乎情
才大休以其
最甚

常行家人之禮護謁太后太后必賜之坐帝往往
焉三日及護將入帝謂之曰太后春秋既尊頗好
飲酒不親朝謁或感引進喜心之間時有乖爽
比雖犯顏屢屢讓未嘗受之世納兄一既朝拜願更啓
請因出懷中酒詔以授護護曰以此諫太后護既入
太后所戒謂示太后不帝以玉璽自後擊之
護歸於地又令言者伺言以編刀斫之泉恒懼所

護全無顧
忘帝得有
識勝故終為
所笑并累世
權不動声色

一朝而除武
帝有絕大力
量故獨斷行
若此

不能信也。高祖曰：「吾先臣於三伯，乃出斬之初，帝欲
圖護三伯之文，神與三伯之文，伯顏豫其謀。是日
三伯並立於外，三伯無知，有殺護之訖，乃召三伯長孫
臨見，三伯之即，今收護之在國，譚國公會，六將心卑
言三國不立，宗業公，護止平公，亂言及，亂基，亂光，亂
騎，亂祖，亂威等，升在國，侯伏位，伏龍恩，龍恩，第大
將軍，萬壽，六將軍，劉勇，中，以府司錄，丑，公正，衣
不，膳部，下大夫，本，安，守於殿，殺之，齊王，憲，白，帝
曰：「安，山，目，七，隸，所，典，在，而，而，已，不，預，也，攻

未言毒殺世
宗之故所斷當
不止于孝或外
託尊崇以別

未足加戮。高祖曰：「矣，知耳，世宗之前，安所為也。
十九日詔曰：「君親無將，將而必誅。六師大冢，寧晉
公護，地實是宗親，義兼家國，爰初草創，同濟艱難，
遂任總朝權，寄深國命，不能竭其誠效，罄以心
力，盡事君之節，申送往之情，朕兄故，驛陽公，英
風秀遠，神機穎悟，地居聖胤，禮歸當璧，遺訓
在耳，忍害先加，永尋推割，貫切骨，髓，世宗，明皇
帝，聖明神武，藏智，護內懷凶悖，外託尊崇，示
凡厥臣民，誰亡怨，朕曾承洪基，十有三載，委

有英輝史官
痛之也

政師輔實成字司護志在無君義遠臣節懷
茲憂憂憂。逞彼狼心。任情肆暴。肆行威福。朋黨
相扇。賄化具公行。所好加羽。之所惡生。瘡痍朕約
已菲。躬情存庶政。每思施寬惠。下輒抑而不行。
遂使戶口凋殘。征賦勞劇。家無日給。民不聊生。且
三方未定。邊隅尚阻。疆場待戎。旗之備。武夫資
打城之力。侯伏龍。因苗。壽劉。百刀等。未効。庸勳。
先居上將。高。峻。字。第。彫。墻。寔。素。有。徒。同。惡。
相濟。民不見德。唯利是賄。百姓教。教。道路以目。

令生業業。相顧。鉅。口。常。恐。七。日。之。其。勿。焉。願。隊。
億兆之命。曰。陪。危。上。累。祖宗之靈。下有負蒼生之
責。今肅正典刑。護已即罪。其餘凶黨。咸亦伏誅。
氛霧務既清。遐邇同慶。朝政惟新。兆民更始。因
大赦天下。改天和七年。為建德元年。護世子。訓
為蒲州刺史。其夜遣柱國越國公盛。乘傳往蒲
州。徵訓赴京師。至同州。賜死。護長史代郡。比。疑。所
。司。錄。引。農。為。選。及。所。親。任。者。皆。除。名。護。子。昌。
城公。深使突厥。遣開府宇文德。齎。書。言。就。殺。之。

三年詔復護及諸子先封諡護曰湯並改葬之
 叱羅協本名與高祖諱同後改焉少寒微嘗為
 州小吏以恭謹見知恒州刺史楊鈞擢為從事及
 魏末六鎮搖擾客於冀州冀州為葛榮所圍刺
 吳以協為統軍委以守禦俄而城陷協沒於榮榮
 敗事汾州刺史朱非頗被親遇補錄事參軍
 非為天柱大將軍轉司馬非與齊神武初戰不利
 還上黨令協在建州叔軍糧後使協至洛陽與
 其諸叔計事謀討齊神武非等軍敗還於州令

協治肆州刺史非死遂事賈泰泰甚禮之泰
 為御史中尉以協為治書侍御史泰向潼關協
 為監軍泰死協亦見獲太祖以其在關歲久授
 大丞相府東閣祭酒撫軍將軍半銀青光祿大夫
 轉錄事參軍遷主簿加通直散騎常侍攝大
 行臺郎中累遷相府屬從事中郎協歷任二京
 詳練故事又深自克勵太祖頗委任之然猶以其
 家屬在東疑其有惡本之世及河橋戰不利協
 隨軍而還太祖知協不貳討定宣慰使邑二百戶

尋加車騎將軍左光祿大夫九年除宣閣將軍恒
州大中正加都督進爵為伯增邑八百戶尋遷大
都督儀同三司初太祖欲經略漢中令協行南岐
州刺史守節度東益州戎馬事魏廢帝元年即授
南岐州刺史時東益州刺史楊辟邪據州及二年
協率所部兵討之軍次涪水會有凶賊千人斷
道破橋協遣儀同仇買等行前擊之賊開路
協乃領所部漸進之有凶賊千二人邀協協乃將
兵四百人守破道與賊短兵接戰賊乃退尋辟邪

棄城走協追斬之群凶皆伏以功授開府仍為大
將軍尉遲迴長史率兵伐蜀既入劔閣迴令協行
潼州事時有五城郡兵酋趙雄傑等扇動新潼
始三州民反叛聚結二萬餘人在州南二里隔涪水
據槐林山置柵拒守梓潼郡民鄧融王令公等招
誘鄉邑萬餘人復在州東十里涪水北置柵以
應之同潼州城中糧少軍人乏食協撫安內外
咸無異心遣儀同伊婁訓大都督司馬裔等將
步騎千餘人夜渡涪水擊雄傑一戰破之令公以

雄傑敗亦棄柁定還本郡復與鄧朮等更率萬餘人於都東南隔水置柁斷絕驛路協遣儀同楊長樂與司馬裔等率師討之復遣大都督裴孟嘗領百姓繼進為其聲勢孟嘗既至梓潼值水漲不得即渡而王令公鄧朮見孟嘗騎少乃將三千餘人圍之數重孟嘗以眾寡分下敵各棄馬短兵接戰從辰至於陣斬令公及朮等賊徒既失渠帥遂即散走其徒黨仍據舊柁而孟嘗方得渡水與長樂合即勒立攻柁經三日賊乃請

降此後數有反叛協輒遣兵討之魏恭帝三年太祖徵協入朝論蜀中華乃賜姓宇文氏增邑通前千五百戶晉公護既殺孫恒李植等欲委腹心於司會柳慶司憲令狐整等慶整並辭不堪俱薦協語在慶整傳護遂徵協入朝既至護引與同宿深寄託之協欣然承奉誓以軀命自效護大悅以為得協之晚即授宣司馬委以兵事尋轉治御正又授護府長史進爵為公增邑千戶常在護側陳說時事多被納

用世宗知其於識廣淺每折之數謂之曰汝何
痴也猶以護所親任難即屏黜每含容之及世
宗崩便授協司會中大夫中外府長史協形貌
瘦小舉措褊急既以得志每自矜高朝士有來
請事者輒云汝不解吾今教汝及其所言多乖
事東當時莫不笑之保定二年追論平蜀功別
封子縣侯又於蜀中食邑二千戶以其租賦之半
晉公護以協竭忠於己每提獎之類考上中賞以
粟帛遷少保轉少傅進位太將軍爵南陽郡公

兼營作副監宮室既成以功賜爵洛邑縣公回
授一子協既受護重禾冀得婚連帝室乃求
復舊姓叱羅氏護為奏請高祖許之又進位
柱國護以協年老許廿六致仕而協貪榮未肯告
退護誅協除名建德三年高祖以協宿齒授儀
同三司賜爵南陽郡公時與論說舊事是歲
卒年七十一金剛

馮暹字羽化父漳州從事及遷官遷道贈儀
同三司武州刺史遷少修謹有幹能州辟從事

協名可誅

魏神龜中刺史楊鈞引為中兵參軍事轉定襄令尋為并州水曹參軍所歷之職咸以勤恪著稱及魏孝武西遷乃棄官與直閣將軍馮靈象入關即從魏孝武復潼關定回洛除給事中後從太祖擒竇泰復弘農戰沙苑皆有功授都督龍驤將軍羽林監封獨顯縣伯邑六百戶及洛陽之戰遷先登陷陳遂中重瀉僅得不死以功加輔國將軍軍中師都督進爵為侯久之出為廣漢郡守特賜土初平人情獲勳遷

存簡恕夷俗頗安之魏恭帝二年就加車騎將軍大都督通直散騎常侍鎮樊城尋拜漢東郡守孝閔帝踐祚入為司空公護府掾加車騎大將軍儀同三司進爵臨高縣公尋遷護府司錄進授驃騎大將軍開府儀同三司遷性質直小心畏慎雖居極要不以勢位加人兼明練時事善於斷決每校閱文簿孜孜不倦從辰逮夕未嘗休上以此意為護所委任後以宣朝之舊與臣欲以不諱祭之乃授陝州刺史又進爵隆山郡公

增邑年所則二千五百遷本無微不為時尊所重
二曰刺舉本州官以謙恭接待鄉邑人無怨者復
入為司錄轉工部中大夫歷軍司馬遷小司空自
天和已後遷以年老委任領表及護誅猶除名
建德末卒於家時年七十八字恕位三儀同三司
伏夷鎮將平寇縣伯護所委信者又有朔方邊
平位至大將軍軍司馬護府司馬護敗亦除名
史臣曰仲尼有言可與適道不可與權夫道者率
禮之謂也權者反經之謂也五禮由乎上理易以

史官不通王
莽篡漢司馬
矣適曹豈得
為達權乎白
反經合道一
毫私意不存
大公至正如共
和之相及霍光
廢之乃可

成佐世之功反經繫乎非常難以定匡時之業
故得其人則治伊尹放太甲周旦相孺子是也
不得其人則亂新都遷漢鼎晉氏傾魏族是也
是以先王明上下之序聖人重君臣之分委質
同於股肱受爵均其休戚當其親受顧託位居
宰衡雖復承利劔臨沸鼎不足以讐其慮據帝
圖君悔內不足以回其心若斯人者固以功與
山嶽爭其高名與穹壤齊其久矣有周受命之
始宇文護寔是預艱難及太祖崩殂諸子冲幼羣

嘉靖十年補刊
一
一

此等斯昭陽
耳世宗之毒
可置勿問乎

公懷等夷之志天下有去就之心卒能變魏為
周俾危獲乂者護之力也向使加以禮讓繼
之以忠貞桐宮有悔過之期未央終天年之數
則前史所載焉足以道哉然護寡於學術昵近
羣小威福在己征伐自出有人臣無君之心為
人主不堪之事忠孝大節也違之而不疑廢弑
至逆也行之而無悔終於身首橫分妻孥為戮
不亦宜乎

列傳第三

周書十一

